



平園續彙卷第二十七

周益文忠公集六十

神道碑七

敷文閣學士宣奉大夫贈特進汪公大猷神道碑

嘉泰元年

子夏曰死生有命富貴在天是謂格言雖然仁者多壽賢

者多貴則有人事參焉今敷文閣學士汪公年開九秩官

職皆三品爵二品殆仁賢之驗也公諱大猷字仲嘉慶元

年廬州人曾祖元吉以廉平吏受知苑文正王文公妣何

氏祖洙號儒先本州助教贈正奉大夫妣碩人陳氏父思



閱

溫歷兩浙轉運副使太府少卿終左朝議大夫直顯謨閣
累贈少師妣越國夫人王氏四子公其仲也四歲對客誦
孝經止十七章或問末章以具慶對客異之八九歲述先
生口義示同舍十餘歲賦詩可觀紹興七年少師遇宗祀
奏補將仕郎起家右迪功郎衢州江山尉十五年登進士
乙科夏大水括鹽身濟避溺者又發廩為糜食之州符捕
來暮鄉魔賊公曰賊有無尉豈不知第呼菜食一二人杖
遣之監司交薦陞左從事郎移婺州金華丞與民期限必
信人亦信之豪族陸氏爭產久不決公曉以恩義悅服而

退戶部侍郎李椿年行經界法量田不實罪至徙流檄公
覆視龍遊縣公曰法峻民未喻固有有田少而供多者願
許首復改正又謂每保各圖頃畝林塘十保各一大圖用
紙二百番安所展視李聽其言輕刑省費為多二十年丁
內艱二十三年再丞嚴州建德用舉主改左宣教郎知平
江府崑山縣未上丁外艱二十九年辟顯仁皇后攬宮屬
官訖事為淮西江東軍馬錢糧所幹辦公事三十二年
孝宗受禪自左奉議郎轉丞議郎賜服緋銀入幹辦行在
諸司糧料院隆興二年虜寇邊錢簡肅公端禮宣諭准辟

幹辦公事遷大宗正丞升參議官歷左朝奉郎散錢公執政乾道元年兼侍左郎官又兼戶部右曹六月輪對乞覈名實責任臣下量能授官毋違所長權禮部員外郎仍兼侍右九月遷尚左郎官莊文太子受冊兼左諭德仍侍講二年省試充恭詳官六月遷祕書少監首率館職續編國朝會要高宗聖政成書轉左朝請郎三年假吏部尚書接送伴金國賀正旦使四年兼權刑部侍郎又兼崇政殿說書夜直對_宣會遣御史決獄畿縣公言_其憂請委倅貳台民楊文任縛所蔽盜赴朝希賞政府疑之公曰舍匿

罪未發而能募賞執賊若坐以赴訴無復告捕者矣上皆然之宰掾言太祖朝強盜不分首從不問殺傷併賊滿三貫者死景祐勅增至五貫固已從寬今設六項法非手刃人例奏裁黥配何所懲艾請從舊法詔侍從臺諫集議公言賊知必死將甘心於被盜之家故稍開其_徑路後_遂不改暫權給事中公以中興備法已四十年積續降二萬餘條乞從刪定詔委刑部大理長貳及僚屬掌其事而以公兼_通脩勅令詳定官五年再恭詳省試轉左朝奉朝散大夫四月正除權刑部侍郎外侍講上諭公曰既

為侍從天下事皆可論朕每厭宦官宮女之言故數延見
經筵官自今朝政闕失民情利病勿惜盡言公奏前後臣
僚論事衆矣未嘗簿錄何以考其行否宗室非歲祠則員
外置雜官離軍及歸正官多不釐務何以顯其才能兩淮多曠
土宜置力田科募江浙富民自以耕夫牛種開荒苟有成
效特補官凡配額人亦聽復雜耕又言賦吏及囊橐盜賊
者賦產沒官可也若倉庫綱運欠折而無弊責償苟足合
歸其業不應斥賣或賜勲戚州縣私立稅場擾及行旅鄉
坊補酒如治大辟願加禁止上嘉獎曰卿所陳皆可行

有用之才也選充金國賀正旦國信使六年使回轉左朝
請大夫上方經略中原將命者多縱說之說上以諭

公公曰虜法簡嚴上曰未可圖耶公頓首曰誠如聖訓

姑始脩人事以俟天應閏五月兼權吏部侍郎進續會要轉

左朝議大夫六月改權吏部侍郎尋兼尚書轉左中奉大
夫十一月勅令格式進書增損元文五百七十四帶修創
立三百六十一刪八十三留以照用者百二十有八公用
力為多轉左中大夫上嘗問黜陟涉卿職者有過差否
公言温台水災守臣王之望陳巖省以前執政從官化罪

而二漕削官知信州趙師嚴補前守移兌軍平米反以擅
用鑄秩毋得親民提舉官李庚已付隣郡推治乃坐不檢
察罷勿與監司上並許改正公蚤侍少師即銓曹耳熟
清通暨歷三選力破有司從窄之論迨兼長貳益得行志
士大夫鬱滯頓伸法或不可明以告之辨宗室及陣亡人
女夫奏薦不當入七色息科選人乞休致許用歲廟歲月
例權入官之考命官公過非經勘正勿關刑寺注簿凡案
後收坐者就部原赦結絕存心之仁類此上下翕然贊之
郊裡差五使宰執不備特命公克鹵簿使有忌之者禮成
不自安請去七年正月除敷文閣待制提舉江州太平興
國宮侍從館閣分韻賦詩以餞四月起知泉州海中大洲
號平湖邦人就植粟麥麻有毗舍耶蠻楊颯奄至肌體漆
黑語言不通種植皆為所獲調兵逐捕則入水待其舟已
而俘民為鄉導劫掠近城赤嶼洲於春夏遣戍秋暮始歸
勞費不貲公即其地造屋二百區留屯水軍蠻不復來久
之戍將貪功妄捕貢臘大商兩舟至庭公辨而遣之左翼
軍列寨郊外軍人夜踰城盜庫金為邏卒所執反誣卒為
盜公得其實主將懼罪爭辨公畀軍中自治之舊例蕃商

與華人閩非析傷聽贖公曰既在吾境當用吾法爭閩用
稀詔許三佛齊寄銅造瓦公奏在法銅不下海且中國
方禁銷鑄柰何為小夷所役卒不與閩地狹田少歲藉廣
米每患客舟不時至公籍上戶航海者出錢數萬緡貸之
使糴于五羊比價歸損價以糴官收其本子與其入南外
宗子初總數房文益蕃行廩給不足而主僧田多戶絕豪
右增租爭佃公諭見佃人苦受所增是高之數歲以輸官
聽如其舊佃戶樂從宗子月給遂足九年進敷文閣直學
士再任就賜衣帶淳熙元年轉太中大夫請祠六月再提

舉興國宮江西謀帥道隆興府赴闕臨遣甚寵吉州龍泉
縣豪民王氏父子鬻爵怒武尉驗田不如欲集惡少狙擊
析足州不能治移鞫傍郡猶不承公與諸司具奏決配嶺
南人皆快之二年湖北茶寇賴文政轉剽湖南入江西據
永新禾山洞公遣宿將賈和仲帥師討之和仲輕敵數劬
六月詔公節制軍馬賊短兵輕甲一晝夜馳山谷二百
里官軍困追逐公曰技有長短不可強也分兵遮迓賊感
欲降公與提刑辛弃疾議遣興國尉黃倬持檄招諭而公
先自劾和仲喪師七月降龍圖閣待制又降集英殿修撰

罷帥事十月落職南康軍居住而賊迄就降誅之始公使
北魯觀為介頗疑簡驩至是亦下石逞憾云再暮方許自
便後八年乃提舉興國宮十三年德壽慶典遷龍圖閣待
制通議大夫明年再任十六年正月改鳳翔府上清太平
宮光宗覃恩轉通奉大夫紹興元年復敷文閣直學士
十二月磨勘正議大夫二年以正奉大夫致仕今上即位
遷宣奉大夫詔書求言仍賜銀合茶藥慶元五年冬

優禮先臣特外學士賜衣帶鞍馬六年七月庚辰以疾薨
年八十一遺奏聞贈特進妻碩人同郡樓氏先二十七年

卒三子端中奉議郎兩浙西路提舉常平司幹辦公事賜
緋魚袋立中宣教郎知婺州武義縣丞議中受遺澤四女
三蚤夭一適奉議郎知福州永福縣樓錫再適修武郎東
南第六副將趙善琮孫男四人之翰承奉郎監嘉興府華
亭縣市舶務之榦之輔之範女七人長適迪功郎新臨安
府臨安縣尉求得宜次適沈楷通仕郎趙罇王元恭餘未
行曾孫女二人先是碩人葬慈溪縣石臺鄉龍潭之原十
二月丙申公合葬焉爵自奉化縣開國男積封本郡公食
邑通二千五百戶實封百公立朝盡心職業深為孝宗

所知雖與史丞相浩同里同年魏丞相杞少相從蔣丞相
芾並為儲僚而公恬於進取一無附麗中間責南康有言
公者公笑曰某年踰五十若以恩科入官得尉星子不賀
我乎客聞歎服杖屨往來廬山和陶令歸去來詞觴客則
歌之還鄉十五年踰七十即納祿又十年兩植登極應
詔陳治道各數千言八十被優異之恩女兄樓夫人長
公十歲亦封郡夫人兩家賀賓盈門燕集者累日士大夫
榮之少師天資仁厚常曰事事方便物物利益是吾志也
公推廣力行始終不怠葬少師後析常產遺兄弟公以四
之一獨任百費竭力營冢舍有餘亟作無則暫輟閱再歲
乃成女弟三人俱得所歸遇大禮三蔭其姪今諸孫尚白
丁牲樂施宗姻緩急皆歸之著與仁錄示子孫四明風素
厚公割田二十畝創立義莊欣慕者衆積至三頃郡守林
大中助以絕產二頃擇鄉官主之遇士族清貧者家有吉
凶各為限制隨事白郡郡下莊第給遂為亡窮之利府學
當葺公自任儀門又為文勸有力者不日而新冬至元日
集鄉士行禮大成殿下退序拜明倫堂歲講鄉飲推長者
祭酒自齒常布之列凡里中義事悉為主盟不喜飲而喜

延客座上常滿各得其權心平居慕白樂天為人年六十
即退閑以適名齋且靜名室時作歌詩平澹造理從容二
十有五年庶幾樂天之出處壽則過之立朝好延譽後進
識樞密葉公翥於掌故之中交游如錢尚書象祖劉侍郎
孝豔史待制彌大都司潘時屯田鄭鏐簽判沈銖推揚汲
引惟恐不及晚尤篤學抄書如少年有適齋存彙二十卷
備忘十七編唐宋名公詩韻四十編并漫錄訓鑿等書藏
于家昔與公同朝相好也去夏書未酬聞公訃諸孤遠求
隧道之碑而翰林尚書樓公鑰復示公行實且曰吾母年

將期頤哭弟不勝哀况於其甥願賜之銘以慰存沒乃為

銘曰

惟古賢者匪懈為仁公衆敬汎愛均焉無貧

與與汪公公後已先人公俶佐三邑公已勤利民

翔于禁塗公謀告力陳公司寇在直公典銓帶紳

為苟可澤物公心無踈親公歸哉二紀公壽社交臻

肆推緒餘公施及鄉隣公既昌其詩公亦榮其身

仰止香山公逝將擬倫公刻銘豐碑公永世弗湮

資政殿學士宣奉大夫叅知政事蕭正肅公公燧神

道碑嘉泰元年

烝民美宣王任賢使能周室中興孟子曰賢者在位能者在職此服休服采之辨也孝宗皇帝實兼用之當是時經武理財期樞高文之宿憤差擇能臣比肩于朝惟故叅知政事蕭公靖共正直簡在上心未嘗談兵言利而徧歷要劇兼贊鈞樞異乎效能於一職者嗚呼孝宗可謂善任賢矣公可謂進以德矣今公之子以里人工部謝尚書諤所狀行實請碑墓道予與公居鄰和任同朝晚復共政其何可辭公諱燧字照隣先世唐望族散居潭之瀏陽南

唐時徙袁州新喻縣今隸臨江軍高祖集賢殿修撰固天聖進士皇祐初為廣西轉運使知儂智高兇狡數條上羈縻之策樞臣沮止智高果作亂友坐失察降知吉州嘉祐中帥桂林消患析衝為多王文公安石志其墓曾祖某官贈太子太保諱洵妣河內郡夫人張氏祖朝散郎通判江州贈太子太傅諱錡妣東萊郡夫人趙氏東海郡夫人陳氏父贈少傅諱增母鄭國夫人陶氏繼母許國夫人李氏紹興初復制舉少傅用近臣薦至闕請闢言路宰相不悅罷歸教諸子以學公獨穎異幼能屬文十八年進士第五

人授左從事即平江府觀察推官郡守李朝正號剛嚴僚吏畏縮公遇事別白是非朝正敬焉秦丞相檜親黨密語公曰秋試必主文漕臺公詰其故則曰丞相有子就舉將以屬公公怒曰某初仕敢欺欺心耶漕檄下乃秀州也至則負益就試院易張教授者云秦熈果前列初公未第夢神人示文書中一聯云如火烈烈玉石俱焚在冬青青松柏不改至是秩滿當官上庠公徑赴部調靜江府察推地闊俱遠蓋知秦怒且信前夢也高宗更化垂召丁許國憂三十二年服除堂擬太學博士闕殆十年公復注靖州教

授考滿改左宣教郎孝宗初年錢公端禮虞公允文同執政求中立不倚之士差公諸王宮大小學教授乾道五年供職輪對論官當擇人不當為人擇官上喜因御製用人論賜大臣六年除太府寺主簿進太常丞群臣爭畫策恢復公因對言漢高祖取項籍奇謀秘計史不得書今自治未效而大言鈞美官者紛紛謀國亦疎矣上然之公自登朝出公門入私門率數月隨衆一至政府未常有所求上察其賢七年擢將作少監八年兼權司封同勳郎官九年進擬軍器監王音以為允諸公益知上眷俄兼

太子左諭德淳熙二年遷國子司業時議德壽慶典生員爭挾貴要求為大小職事覲霑霑息公與祭酒蕭之敏

請立格選差至今守之九月兼權起居舍人越三日復權

書

不直前奏謝上曰卿質直無附麗故加親權三年三月

進起居即先是察官闕朝論多屬公上以公不歷縣為

礙格十二月起拜左司諫首言辨邪正然後可為治上

及外臺耳目多不稱職公疏二人乃大璫甘昇都承旨王

抃所主上即罷之一日復宣諭兩郡守不職公則辨其

無它其不阿類此每對必言民力困窮冗費不節宜立經

制量入為出又州縣官冗增負未已赦放逋負有名無實

守令勸農反為農害京西不當益武憲輔郡不應用武守

獎拔宜先循良後能吏上皆行之時中外無慮歲事屢

豐議者復及進取上以問公公曰賢否雜揉風俗澆浮

兵未強財未裕正宜卧薪嘗膽以圖內治若恃小康萌驕

心非臣所知上曰忠言也公因勸上正紀綱容直言親

君子遠小人近習有勞可賞以祿不可假以權上甚嘉

納四年冬權右諫議大夫入謝上曰卿論議鯁切不求

名譽緝正姦邪不恤仇怨故制詞謂善不近名仁必有勇

道 上意也五年同知禮部貢舉有卿監輒權工部侍郎
被酒自詫出曾覲之門公奏黜之夔師李景孚恃援貪虐
臺臣不敢劾公極力論之趙叅政雄奏公誤信景孚讎人
令狐某之言捕治其人公併及趙 上不得已閏六月徙
公刑部侍郎懇辭不聽固請補外九月出知嚴州吏部尚
書鄭丙侍郎李椿皆謂公不當去 上亦悔之嚴地狹財

匱始至庫緡不滿三千公儉以足用不二年積至十五萬
緡淳安縣務加額公付縣充版帳且為豁積欠數千緡屬
邑俱寬先是宣和庚子方臘盜起甲子一周衆方疑懼適

遂安令賧士兵廩給群言洶洶公亟易令且呼卒長告誡
皆感恩畏服城中惡少數十輩間擾市廛公密籍姓名淫
補軍額人以按堵庭無留訟監司言狀 上方斬職名非
功不予 詔公治郡有勞特除敷文閣待制移知婺州父
老遞道幾不得行其送出境者以千數發與嚴隣熟公政
不勞而治會歲旱浙西常平司請移發粟於嚴公曰同路
則可今東西分部不當與然舊治安忍坐視為請于朝
上發太倉粟賑之八年冬召還公言江浙再歲水旱願下
詔求言仍命監司通融郡縣財賦毋但督責而已除吏部

右遷侍郎旋兼國子祭酒近例知閣官兼樞密都承旨或
怙寵招權上思復用儒臣九年正月命公以龍圖閣待
制為之公言債帥餘風未殄群臣進言非迎合獻諛則強
辯邀譽當察誠偽虛實上稱善八月除權刑部尚書北
使賀正旦充館伴使十年兼權吏部尚書明年兼侍講十
一月真拜秋官典銓如故俄升侍讀公言命令不可數易
憲章不可數改初官不許恩例免試今或徑令注授既却
羨餘之獻今反以出剩為名諸路錄問大辟長吏當親詰
以防吏謾死囚數多乞如漢制殿最以聞事多施行慶典
丁錢減半亦自公發之經筵讀陸贄奏議至度支折稅市
草事公奏聚斂之臣欲為欺誕必更制度如桑弘羊幹鹽
鐵宇文融括剩田皆陰耗元氣上曰制度何可紛更天
下本無事庸人擾之耳又讀論裴延齡書畢奏曰人君未
嘗不欲去小人然君子常為小人所勝蕭望之困於恭顯
在漢元帝不足責如唐明皇憲宗號明主而張九齡不勝
李林甫裴度不勝皇甫鏞蓋小人善以智術惑主聽上
曰小人須挾才轉亦延齡之徒也公曰贄貶在正元十一
年明年而延齡死殆非人力不然延齡相矣贄之言可為

萬世戒。上極稱善。十三年七月正除吏部尚書。十四年因旱求言。公列十事以進。高宗山陵充按行使。明年正月遂貳大政。尋充思陵禮儀使。畢事進官二等。按行賜銀絹五百。禮儀又五之二。並固辭不受。五月權監修國史。日曆十六年正月。兼權知樞密院事。倚注方隆。而公自陳。年至。除資政殿學士。與郡復請開。改提舉臨安府洞霄宮。辭曰。上有勉從鄉去之語。光宗即位。詔書求言。公手疏六事。語甚剴切。表乞休。致優詔不允。以紹熙四年二月二十五日薨。明年十月己酉葬本縣鍾山鄉上靈之原。享年七十七。積官宣奉大夫。封豫章郡開國公。食邑至二千一百戶。實封三百戶。特贈金紫光祿大夫。娶同邑張氏某之女。封大寧郡夫人。通古今。有賢行。三男。達某官。進士。唱名第四。孝宗資賞它日入謝。上曰。達才氣甚佳。父子高科。殊為卿喜。遵某官兄弟皆賢。而文其一。夭五女。長不及嫁。次適某官趙師烜。前卒。次適某官趙師燭。次適某官劉若次。繼室師烜孫男三人。彖蒙承奉郎。一尚幼。公資性端醇。問學精博。持身玉雪。論事金石。聲色財利。無所徇。飲奕服玩。無所好。接物雖和。然不可干。以私。常曰。士大夫操

履正乃能守道守官若內有毫髮之愧臨事必掣肘古人
謂受恩多難立朝諒哉惟其所得如此故安恬不競人不
得而親踈 孝宗深知之每稱其全護善類誠實不欺

御書二十八將傳論以賜公之言事或有未契必反覆開

陳退未嘗漏言薦進人才不市私恩在從班奉勅舉察官

以今三衢丞相余公應詔 上即用之其精鑒如此 高

宗初喪 上未見群臣首引公及翰林學士洪邁語頗傳

外公尋得政 上對二府及之面獎公曰叅政周密必不

洩也始終倚信豈偶然而已立朝三十年苞且不至其門

退歸鄉閭蕭然如寒素自號定齋居士闢小圃粗立亭觀

莚花竹制度極簡朴鄉人名曰南園晚康彊無疾其終也

適清明薦享家廟退與子孫論文如常時有頃微倦就枕

奄然而逝文集五十卷奏議二十卷外制五卷經筵講義

二卷東宮講義五卷以子升朝遇恩累贈某官銘曰

古先哲王 真賢是任 任之伊何 必親必信

惟是良臣 以德復君 其德伊何 必忠必誠

明明 孝宗 如日有赫 温温蕭公 韞王之質

帝曰汝文 其代予言 又曰直哉 以繩我愆

迪簡疇咨 爰授之政 東府西樞 兼幹二柄

以輔以翊 謀焉孔嘉 有始有卒 音則不瑕

帝倦于勤 公亦歸止 燕頤故鄉 綏厥壽祉

譽望之成 似續之興 以貽來世 不在斯銘

左中奉大夫敷文閣待制贈特進林公保神道碑

嘉泰二年二月

制

高宗皇帝既通好北虜思與兆姓休息擇端良學識之士
布列庶位故敷文閣待制四明林公行安節和特被簡知
文貳治官引疾奉祠考終于家其葬也鄉老何寺丞涇嘗

狀其事實而出處行誼則載實錄惟是墓道之碑闕而未
備後五十餘年其孫都大提點坑冶鑄錢祖洽以使事過
廬陵謂某嘗官太史夙知公賢且契好不薄固以為請文
之乃克如約惟林氏出殷比干比干既没子堅逃難長林
遂命氏焉晉永嘉亂渡江家泉南至 本朝為今慶元府
鄞縣人曾祖復祖彥臣父延之俱不仕父以公貴贈正奉
大夫公諱保字茂民政和二年登上舍第調迪功郎舒州
宿松尉西從廣西帥辟主管機宜文字是時方郡縣蠻境
將士稍俘平民冒賞公覈正之全活為多武吏注闕泛濫

公為立三等校試法。改奉議郎南丹州策勳。權本路提舉常平。或疑資淺。改倅桂州。丁母碩人石氏憂。詔復以帥幕起。公固辭服除。通判汀州。移疾。主管亳州明道宮。及江州太平觀。起知興國軍。改提舉兩浙及廣南市舶。皆不拜。累轉朝請大夫。家居十餘年。安貧著書。嘗評論夏少康。迄唐肅宗得失。號中興龜鑑。上之。勅書褒答。賜服金紫。紹興七年。高宗命左司諫陳公輔密薦學術議論用心忠直。可備臺諫者。公輔首奏。公問學淵源。持論不阿。操守可觀。是夏。召赴都堂。審察秦丞相檜止除提舉江東路常平。茶鹽徵之休寧縣。因變法。季增鹽五十八萬。公請以比歲中數為額。邑人德之。九年。入為國子監丞。公言郡邑上丁釋奠。十哲侑坐。今大成殿。惟設顏孟。又上戊享武成王。不應廢牲牢。止用棗脯二籩。而無配享。其後禮官並請從公言。仍增管仲至郭子儀十位配坐。在職二年。朝論推其靖共。擢尚書比部員外郎。十一年八月。輪對。九月。升郎中。初。公居閑。修定鄉飲酒儀。至是。增損其制。以聞。尋詔鏤板頒行。轉左朝議大夫。十二年正月。充省試叅詳官。七月。遷吏部郎中。十四年三月。進左司郎中。俄兼中書門下省檢正諸

房公事是時脩定郊祀講大朝會禮文交舉命公兼太常少卿人咨其博前此銓曹都司例謝客不敢可否事公獨振舉滯淹雖休沐猶引驗文書吏不得以微文沮升改者惟秦蜀頃用便宜遷轉偽冒文設科條盡革其弊嘗獲詐官法當賞公曰職也卒不言上重交隣歲擇卿監可任侍從者付以使指八月特賜對除權吏部侍郎假本曹尚書充金國賀正使初顯仁皇太后南歸沿途應奉權增頓次自後南北修聘往來輒循其例又有請起兩淮稅者公使回具言淮民凋敝狀頓既復舊稅議亦格上眷方厚十

五年冬引疾請去除敷文閣待制提舉江州太平興國宮者再公謙恭清約存心忠厚惟嗜讀書雖老不倦鄉黨儀之積官左中奉大夫十九年四月甲寅卒于正寢享年七十有一十二月庚申葬本縣龍山之原妻令人李氏前卒累贈普寧郡夫人遂以合葬遺表聞贈左正議大夫子升朝累贈特進爵西河縣開國子食邑五百戶公文辭雅實似其為人有集三十卷二子勉終承直郎監行在文思院上界門劬終朝散大夫新知南劍州七女長適朝奉大夫江西叅議官董昌裔次未嫁而夭次適宣教郎史純臣蚤

世再通迪功郎主湖州武康簿吳曦次通朝請郎知興國
 軍陸沆次通承議郎司農寺丞柳綸次通奉直大夫前江
 西提刑陸沆次通進士劉汝霖孫四人長祖洽也今以戶
 部郎官總領湖廣江西京西財賦次祖壽蚤世次祖昌登
 仕郎次祖坦脩職郎紹興府會稽縣主簿亦早世孫女四
 人長適朝奉大夫主管成都府玉局觀陸杞次通通議大
 夫充敷文閣待制史彌大次通進士吳傳次通滴從政郎紹
 興府上虞縣丞樓澤曾孫六人岳宣教郎知台州仙居縣
 密迪功郎監泰州丁溪鹽場岡從事郎新監臨安府新城
 縣稅室習舉業庚將仕郎康尚幼曾孫女三人長適儒林
 郎嚴州支使錢萃次通奉議郎知江州德化縣陳卓次未
 嫁銘曰

紹興中葉 兵休衆熙 穆穆聖皇 垂拱無為
 旁招吉士 賢任能使 入從出彊 匪度常比
 孰端其身 而濟以文 倚歟林公 允也其人
 迪簡在庭 靖其所泣 歸安故鄉 終始無愧
 德蓄于躬 裕乃後昆 克對無羞 英英孝孫
 既念爾祖 亦鴻厥慶 揭辭墓門 永矣傳信

平園續彙卷第二十八

周益文忠公集六十八

神道碑八

丞相洪文惠公迺神道碑嘉泰元年

公姓洪系出共王氏後避仇以洪易共三國有廬江太守

矩唐有集賢學士孝昌五季自歛徙饒州樂平又王世始

歸鄱陽隱德田廬至公高祖士良力教子孫以學愛滄港

山而置倉焉命其子曰它日葬我倉下青紫當不絕後十

六年元豐乙丑孫彥昇果以進士起家事徽宗歷三院

御史至給事中徽猷閣待制遂為大家公之曾祖諱炳贈

少保妣紀國夫人何氏祖贈太師鄭國公諱彥先給事弟也妣魯國夫人董氏後徙樂平之洪源父皓政和乙未進士仕至徽猷閣直學士贈太師魏國公益忠宣母魏國夫人沈氏公初名造字溫伯一字景溫後改名适字景伯幼穎異日誦書三千言忠宣公自嘉禾司錄應選使朔方公年十三已能任家事率五弟三妹奉祖母及母避亂歸饒母亡復過嘉禾食忠宣之祿日夜帥長弟文安公遵次弟翰林學士邁種學績文至忘寢食用父出使恩補脩職郎監南嶽廟調嚴州錄事叅軍浙西提舉常平司幹辦公事

紹興十二年與文安公同博學宏詞科宰臣進呈所試制詞高宗曰父在遠子孫自立可嘉宜與陞權遂除勅令所刪定官後三年翰林公亦中選由是洪氏文名滿天下改左宣教郎入祕書省為正字才數月忠宣公歸自朔方以忠言忤秦丞相檜出補鄉郡公亦出通判台州將滿而忠宣公散官謫英州台守觀望擬彈公文納當路轉示言者以為風聞者免官往來嶺南供子職閱九年秦薨忠宣北歸亦道卒服闋起知荆門軍公才智有餘臨民惠愛二十八年應詔上寬恤四事凡公私以例取民錢歲數千緡

悉除之。郡又為盜區。大比士附江陵試解額僅存五之一。公作成日。衆乞自闢試闈。稍還舊額。繼有登科者。改知徽州。會鬻官田。監司募賞迫州縣。公獨寬之。初至。訟析產不平者紛然。公曰。此吏求賂。不印闈書之過也。命人戶毋問早晚齋書。庭下立為印給。其訟遂絕。為政得要。類此。范文穆公成大來為戶椽。一見知其遠器。勉以吏事。暇則商榷著述。自是范公宦業章文筆高一世。每德公云。擢提舉浙西常平茶鹽。會文安公守平江。易江東路。嘗兼提點刑獄。蓋鄉部也。待正不私。風采振厲。三十二年。車駕視師金陵。公因朝覲言。本路昨旱。荒民逐食。准旬復困。虜兵今雖懷歸。而田產官已斥賣。不則給佃。乞斷自二十八年後。許業主若子孫用估價贖還。天語褒飾。再三。時翰林被命迎使客。上曰。洪皓三子皆可用也。公於是歷陳邊防。民兵積粟賑民等事。朝廷益知其才。除尚書戶部郎中。總領淮東軍馬錢糧。孝宗即位。海州解圍。符離用兵。供億繁侈。公心計周密。暇裕如平時。會有旨。犒海州之師。鎮江及武鋒軍有實。在圍中而不與名。公比附倍給。以便且招納。海道逃卒歸之。皆府歸正者。接踵而來。或無以贍其家。因公

奏乃計口添支公謂官以總領淮東為名而財賦實隸浙
西江東乞以兩路入銜後公登二府竟行其說迄今便之
隆興元年就遷司農少卿明年召貳太常兼權直學士院
又兼權禮部侍郎上初講郊祀公必進厥德壽宮及
改定樂章汰樂工冗員人謂禮與時兩得之七月文安公
罷西府公即求去上遣使賜茶諭令安職尋因夜直周
右正言尹穡召對上稱公溫粹文詞有用論事可觀穡
先頗睥睨公知上眷乃已九月除中書舍人內直如故
湯丞相思退免侍御史晁公武論公草麻無讀讀費語公亟

請外上曰公武言卿黨思退朕謂平詞出朕意固却其
章仍徙戶部侍郎夫方羽檄交馳書詔填委或夜召或細
札咨訪公獨當內外制時時奉詔言事如乞防虞海道
降詔親征多契聖心大用之意已定虜既講好首命公
為賀生辰使虜遣同簽書宣徽院事高嗣先接伴自言其
父司空有德忠宣相與甚歡得其要領以歸乾道元年五
月除翰林學士仍兼中書舍人臣奏翰苑不應下兼掖垣
上曰洪某在後省振職欲其整頓綱紀耳秦埴予祠公
執不可上徑批依奏封以付公明日賜對宣諭曰卿論

高宗入太工
后有以言

秦項甚當雖朕意所向不可行者第言之巫伋被召余堯
弼復職莫汲為密院編脩官公皆繳奏而止又奏免外制
上曰執政有闕朕將用卿公因繳馬監崔良輔轉官乞
令大臣討論賞典上極稱善且曰卿且執政自可討論
六月遂除端明殿學士簽書樞密院事上諭叅政錢端
禮虞允文曰三省事與洪某商量東西府始同班奏事公
赴德壽宮謝高宗曰上議用卿吾謂從官中無踰
卿者况卿父精忠古今所無頃欲登用阻於秦檜今卿兄
弟相繼入輔此天報也八月以在中大夫叅知政事十二

月拜通奉大夫尚書右僕射同中書門下平章事兼樞密
使公自簽樞旬月入相感激異知任怨革弊以誠實不欺
為主人才可用踈遠不棄不然雖親舊弗予上每稱其心
存公道進擬無不當公奏中書舍人蔣希誥臣無事可繳
臣答云凡降旨云特者皆非法令一切無之上曰希亦
及此且謂特旨宜審公奏陛下動遵成憲願思希言益
崇聖德上曰臣與卿等共守之駕幸白石教場閱三
衛軍馬公前奏將帥有潛蓄鷹犬備狩獵者上即呼諸
將戒諭初議召見即守觀其能否公言舊惟見闕賜對令

乞勿拘闕遠近並令半年前奏事之任遂為定制二千石
多得人矣公自執政即奏減機速房吏三省密院毋留額
外人有承旨司謝稟者力乞存留四人其子在焉公怒取
旨編置政府久不治吏上欣然以為允戶部事有稽
慢公追主令治之侍郎林安宅上章請罪既又致給度牒
千道付廣東期一季盡鬻公請減半仍戒科擾安宅滋不
悅馬軍乞牛皮五千餘萬為甲御前拋買五萬工部別得
旨市十三萬公奏數多限迫上曰軍器所妄計是使
人殺耕牛也第買一萬而已中批朱彥宗知婺州公言此

資善堂翊善朱震之子雖可與郡然彥宗娶潘氏乃婺州
長公主家遂改秦州二年殿中侍御史張之綱論陳宋霖
當與差遣而潛附所厚華初成於其中公發其姦上視初
成履歷曰屢放罷又嘗停官且年已及豈應與郡卿敢及
臺諫可見無私朕終夕之喜劉真初除監察御史公贊上
得人會術士薛言中同貢子為人求官於樞密使汪澈汪
送有司上未知也早朝上稱貢能治錢塘寄囚已批出
遷殿中公與執政及薛言中事且云除書未啟當封還
上曰卿等如此無隱向來宰執所無之綱尋以憂去貢遂

罷才士皇甫坦謂公公薄其禮坦怒云云公責之曰君誠
有道胡為出入宮禁妄談禍福耶明日公奏通國以神仙
待坦陛下謂坦何如上已知公責坦笑曰頗能布氣治
病昨日宮中賜酒醉語已無倫矣公既疊忤言路適林安
宅為諫大夫或勸公引避公曰吾與安宅異同國事也
上知吾忠豈可患失逆為去就乎適春霖公引咎乞退
上曰春自多雨卿第安心安宅遂與臺官合辭論公上
不聽安宅至家居待罪公亦力請上不得已三月辛未除
公觀文殿學士提舉江州太平興國宮而謂叅政葉顥曰
宰臣奉法守公誠實不欺無如洪某重違言者耳不數月
起知紹興府浙東安撫使治得大體復勤小物軍安民之
閱歲有半提舉臨安府洞霄宮時翰林在西掖上語之
曰賢兄三請祠姑聽暫閑公素不營產業自越歸得負郭
地百畝因列岫雙溪之勝置臺榭引水流觴種花藝竹
命曰盤洲一椽一卉題詠殆徧安居十有六年身名俱榮
子孫滿前近世備福鮮及公者淳熙十一年辛酉薨于正
寢前自撰遺表上之享年六十有八爵鄱陽郡開國公食
邑五千二百戶食實封二千四百戶初贈特進諸子遇恩

累贈太師魏國公娶沈氏大學博士松年女追封魏夫人
 母夫人之姪也先公五年薨葬郡東南四十里徐村之原
 公為墓銘效漢人之雙闕因自作小傳俾後人刻其上明
 年三月甲申諸子奉公柩合葬馬男九人長規朝請大夫
 新知贛州江南西路兵馬鈐轄次秘朝請大夫新知南劍
 州掾早亡楸朝散郎新權發遣長寧軍掾朝請郎前軍器
 監主簿桴故承事郎楹朝奉郎新知慶元府定海縣掾早
 亡栢通直郎前權簽書荆門軍判官廳公事女三人長早
 卒次通通大夫同知樞密院事許及之女前卒次適朝散
 大夫兩浙西路提點刑獄公事薛紹孫二十三人倬承議
 郎江南西路提點刑獄司幹辦公事儼故承事郎知常德
 府龍陽縣丞伋奉議郎荆湖南路提舉茶鹽司幹辦公事
 偲承事郎新知江州瑞昌縣倭承事郎新提領建康府戶
 部贍軍酒庫所幹辦公事僑侯侃承務郎新監建康府戶
 部大軍庫門倭承事郎新權簽書漢陽軍判官廳公事傳
 將仕郎佃佃仔倭儉儔承事郎新監無為軍崑山鎮伉俊
 仁倣承務郎倣倣女孫十二人適文林郎前廣南西路轉
 運司主管帳司楊汝明修職郎新無為軍巢縣主簿權當

國通直郎兩浙東路提舉常平司幹辦公事張履信鄉貢
進士陳洋承務郎張 將仕郎刑諤將仕郎王待問進士
高 迪功郎新信州弋陽縣尉王元春餘在室曾孫男五
人希蘊蘭將仕郎建荀女一人公器業早成與人交誠實
無浮禮文華天賦濟以力學步驟經史新奇富贍兄弟鼎
立自成一家罷政後論著益多四方傳誦有盤洲集一百
卷耽嗜隸古為纂釋二十七卷隸續二十一卷屢加刪潤
合為一書將鍾歐陽文忠公集古錄趙明誠而下弗論也
某早與文安及翰林同朝公由常平入對始識公又嘗與
贛州為僚金陵故其子孫以副樞許甥狀請碑墓道先是
太常以文惠易公名文固然矣壬辰夏予奉祠過饒適連
年水旱流移系道公宗支繁庶或不自給人人言相君賙
我且及恤貧已責事甚詳夫居家均惠若此在公固可知
矣遇蔭補捨長孫密奏表弟沈自強酬涓陽之恩命下乃
知是皆宜書銘曰

思文孝宗 雲漢章天 有臣洪公 優於代言

孝宗神武 志平醜虜 公踐帷幄 言整軍旅

帝方克勤 如日運行 公總衆職 甚稱上心

帝推志公。天無私覆。相業伊何。才能是授。謀皆予同。德惟乃知。周旋二府。僅越三時。保釐東郊。注想未替。歸心浩然。何待奉計。榮名燕居。十有六年。為而不恃。五福大全。燁燁斯文。振振厥後。詩以聲之。公乎不朽。

朝議大夫工部尚書贈通議大夫謝諤神道碑嘉泰

二年

孝宗皇帝知人善任使每擇恬靜正大之臣為諫官御史而宿其業常曰學術正則議論正議論正則是非公必不

脩睚眦之怨訐曖昧之過厥有大姦大佞為時指名則仁者之勇其肯舍諸彼徒以擊搏為能指擿細故豪強未必鋤善類或被害矣其久侍左右熟聞聖訓今觀故煥章

閣直學士謝公舉世稱為君子長者其問學淹貫內宜為儒林之官忠信慈惠外當付以民社然自監察進殿中歷侍御史遂拜右諫議大夫以遺光宗為御史中丞六七年間陳善閉邪遏惡揚善如漢孝文時議論寬厚耻言人過失化行天下此孝宗用公大意也公諱諤字昌周臨江軍新喻縣人其先叔方唐初為洪州都督因家高安元

和中有名華者徙居新淦十世孫懋及其季岐子舉廉世
充元豐八年同榜登科躋臨江四謝舉廉字民師蘇文忠
公嘗與書論文即公四世伯祖也曾祖臻祖誠俱有隱德
世居新淦父革修身樂道號清風老人大觀中始徙新淦
以公貴贈中大夫母胡氏贈洪人公幼敏惠愿慤日誦書
千言為文立成紹興二十七年第進士以左迪功郎調峽
州夷陵縣主簿未至撫之樂安多盜監司檄公攝尉公條
二十策大要使其徒相糾而以信賞隨之群盜果解散三
十一年至夷陵適金虜渝平謂軍往來境上選行縣事有
治辨聲三十二年覃恩循左脩職即用舉者陞左從政郎
移吉州錄事叅軍囚死給檣自公始陳氏訴其僮竊財匿
民家辭頗過實帥龔公茂良欲坐以罪公列其不然帥由
是知公乾道四年廬陵艱食機民萬餘守譙門求糧廩官
吏失措公亟植五色旗分部給糶頃刻而定其後江西再
旱帥命攝屬徧走郡邑凡用粟百萬斛而戶口獲濟者百
萬蓋公素以仁民愛物為心故事如此七年改左宣教郎
知袁州分宜縣縣負郡欠十萬緡公請蠲除於上司會丁
母憂後令許樞密及之申前說時公已在言路為之助併

秀之華亭縣月椿重頌皆得減免淳熙五年求主管台州
崇道觀以便親明年丁父憂八年朝士准薦者多入幹辦
行在諸司糧料院九年夏除國子監主簿十年春遷太學
博士俄擢監察御史公素患差役不均居鄉勸民買田充
義役至是婺處二州偶行之詔下其法諸路或以為疑
公力陳其便湖州安吉縣稅絹許用麤絲名曰屑絹有司
請却之公言邑既輸絲又織綾夏稅已重故相乘除宜如
故上並從之十三年九月為副端言士大夫習_也而
背理習_也狗私而背公習_也貪恣而廢廉謹習_也刻薄而鮮寬厚
習_也汰移而耻節儉習_也輕率而昧詳審習_也詐偽而罕真實習_也

狗私

真

隱蔽而忘忠純願如成湯制官刑以儆之十四年升_也臺雜
適淮浙夏旱公條政事十二失畫振濟七策天子嘉納
十月入諫垣明年冬兼侍講公奏帝王之學稽古為先六
經皆古也而書為先可證後世得失上曰人君不知學
則自怠如唐太宗功非不高恨不知學使能以書證得失
豈復用兵高麗乎公又言事無大小在乎立本本_也弊而已
帝王樂聞善言稽古不正為二者陛下每言允執厥中
蓋中則不倚自然本立而弊除上曰所貴手中無過不

及朕最喜伊尹傳說所學得事君之道公曰伊傳固然非成湯武丁信用之亦安能致治公於啓沃大率類此嘗因夕對及邊事上有乘機會之論公曰機會雖不可失亦戒輕舉上再三稱善一日與公論性上曰朕每愛孔子性相近及上智下愚不移之說簡而易明知卿嘗從郭雍雍於此似有得豈曾見程頤乎公奏雍父忠孝嘗事頤時雍尚幼蓋得其傳於父耳初雍已封冲晦處士於是加賜頤正先生十六年春光宗登極公獻十箴一曰業難成而易敗宜兢兢保之二曰道甚簡易在尊所聞三曰畏天之威四曰存心公正五曰賞罰不可妄六曰獎廉戒暴七曰訪民疾苦八曰理財以義九曰姦諛生亂甚於夷狄十曰自治乃可理外又論治天下必有家法為長久之道又乞舉人望以心聳動中外又論二節三近宴飲妄費二節也執政大臣舊學名儒經筵列職三近也上悅四月遂進中執法會補闕薛升似拾遺許及之並移卿監公言壽皇復置此官用意甚遠今名遷而實廢非新政所宜頃之徒權工部尚書力請去以直學士知泉州又辭遂提舉江州太平興國宮凡歷三任紹熙五年十一月九日以疾

卒享年七十有四官至朝議大夫爵清江縣伯食邑九百戶遺奏聞贈通議大夫娶胡氏封誥人內助烏多二子峴通直郎新江淮等九路都大鑄錢司檢踏官峙蚤沒三女適進士丁南容胡定彭煇伯孫男四人淮迪功郎新筠州高安縣尉渭漳澧皆登進士孫女三人長適歐陽珙次許胡逢吉一尚幼公孝友慈祥助以學力每志于仁勇於義躬自厚而不責於人事親養志無違教二弟義兼師友諮亦中第豐城孟程筆力豪俊公誦之曰詩特遊士之雄耳程即易業登科問道請益者屢滿戶外公隨其材器勉使成立姻戚交舊處之合宜疾病死亡隨力周恤後生求詩文筆札應酬不倦人人滿所欲而去初居縣南之竹坡榜曰艮齋晚徙邑東竹木參天巖桂尤多命曰桂山二名聞於中外予在從班嘗被旨薦士及公姓名上遽曰是所謂艮齋即予問陛下何自知之上曰朕見其性學淵源五卷而得之耳公平生著述至多有艮齋集四十卷論語詩書解各二十卷春秋左氏講議三卷栢臺諫垣奏議各五卷經筵總錄三卷其它如金石庵類彙鈴岡約草筆隱堂記自嬉集楚塞從臺雲根叢臺樵林機鑿南坡學林

周文忠公集卷
天上詩豪江行雜著景符堂文豪尚數十編嘗進孝史五十卷詔付祕書省公量宏履坦行以忠恕待臧獲怡顏和氣皆得其惟心每語人云吾自得頤正先生簡易之說用之不盡蓋亦天性也癸以慶元元年十一月甲申在袁州分宜縣神龍鄉鍾山里先塋之側其子以公高弟宣教即新知衡陽縣歐陽朴所述事實求寶文閣待制楊公萬里表公之墓凡文章行誼登載已詳鄉人又曰螭有龜趺刻為歌詩以詔來世法也復使來請其銘曰

舜遠不仁

咎繇是翊

舉直錯枉

枉者自直

念昔淳熙

於古若稽

公歷臺諫

斂藏角圭

言忠謨嘉

可獻否替

被激以訐

視之何細

司直于朝

消伏變共

簡易之學

始終頤雍

展也醇儒

其儀不忒

詩諗廟工

亦彰聖德

平園續稟卷第二十九

周益文忠公集六十九

神道碑九

寶文閣學士通奉大夫贈少師梁公汝嘉神道碑

嘉泰三年

高宗初元自宋幸楊邑而周旋江浙然後定都臨安當是時忠足以尊君親上才足以撥煩治劇論思則援古證今治郡則治所先後如戶部尚書梁公誠所謂國家之寶臣不可以無傳也公諱汝嘉字仲讚處州麗水縣人曾祖訥祖佐俱有隱德父文林郎固贈光祿大夫妣普安郡夫人

何氏公幼敏悟讀書不捨晝夜外王父清源郡王何丞相
執中奇之奏補登仕郎初以迪功郎主管吏部官告院三
被賞循儒林郎調中山府司兵曹事減員改儀曹每以不
可開邊譽為言帥怒劾奏未報虜兵薄境委公持御香祝
版祠北嶽欲陷公死地公蹈履艱危禮成而返用舉者改
京秩嘗辟燕山府路帥屬議論不詭隨帥不悅公求還京
師俄丁母憂營葬常州因家焉靖康初服除就選知武進
縣已酉二月壬子之飛蒼黃南渡甲寅次常官吏駭散公
獨不去上異之顧大將張俊刻姓名於御劔郡人張文

靖公守方在朝亦誦公治縣功陞通判州事九月加直祕
閣增陴濬隍陰為賊備俄成方某寇郡守周杞將遁公固
留之賊退遷秩一等既而虜騎大至杞退保宜興部民數
萬倚公安集特遷承議郎未幾權提舉本路茶鹽公事紹
興改元夏漕臣請令亭戶輸二稅物解佐邦用公言民糶
海代耕故皇祐著令估價錢以優之驟變法必將逃亡大
失國課公私受害詔從專法二年春除兩浙轉運判官又
陞副使兼權臨安府市皆羨舍數火公始陶瓦易之三年
七月進直龍圖閣正知府事首繕庠序以示風化虜遣使

來適殿柱壞。詔亟葺治。公心計有餘。凡梁柱竹木瓦石丹漆。皆度廣狹高下。素為儲侍。一夕告成。上自宮省。下至營屯。及百司官廨。區處悉有方。始成都邑。上諭公曰。前政宋輝俗而懶。盧知原謬而執。今得人矣。四年。特除徽猷閣待制。俄進戶部侍郎。仍兼臨安公。以共二辭。五年春。進顯謨閣直學士知府事。初。浙西安撫使移隸京口。至是。改付公。遂為定制。六年秋。謀報劉豫挾虜入寇。上將幸金陵。疑用度不足。公以辨告。遂為隨駕都轉運使。兼浙西沿海制置使。七年春。再為戶部侍郎。領漕如故。九月。請外以寶文閣直學士知平江府。八年正月。駕還。公請便郡。初。移台州。旋易婺州。復以戶部侍郎召。金人議和。樞掾胡忠簡公銓上書。得罪。公與侍從六人同對。謂虜情難測。後必背盟。禮不過。可人言責銓太重。奏豪多。亦出公手。上不以為忤。當路始不樂會言者。謂祖宗時。常平總於戶部。今以諸路茶鹽司分領。但置主管官一員為之屬。金穀陷失。以此又發運使。本通融六路財賦。致之中都。今乃設經制發運使。歲給糴買錢數百萬。失回易市。易贖軍等錢。至千萬緡。二者皆徇名失實。九年二月。詔改發運為經制。

司而提舉茶鹽勿兼常平擇戶部長貳一員併領之諸路
主管屬官各為經制某路幹辦公事公遂兼江淮荆浙閩
廣經制使三月進權太常伯兼詳定一司勅令 上擇象
簡面賜公示大用意時相諷言路排擊雖報聞而公不自
安力求去秋以舊職提舉江州太平觀十年冬起為川陝
都轉運使公前謂虜必渝平懇辭已而果然東京留守孟
度降 上謂侍臣曰度不可任惟梁其為朕言之知平江
府兼浙西沿海制置使輟 御前金器以賜至則一新學
宮巨木浮海而至適中大成殿梁士民嗟異十一年明州

妖僧法恩作亂選公往守仍兼浙東沿海制置使過闕陞
寶文閣學士 上嘗密以千文號付公有所見勿拘遠近
實封直達公感激恩遇知無不言前後條上便宜如分命
諸將控扼要害收陝西戍兵以固全蜀論歸正人不當遣
至謂大臣措畫失宜為諸將所輕願出暮斷毋失事機胡
世將難專任川陝宜擇人副之又乞分大軍為三一據地
利一往來策應一留視營寨使虜常為客我常為主又奏
用張俊韓世忠岳飛於西府劉錡守荆南皆奪其兵無復
進取之計上每嘉納踰歲請祠歸明年秋知温州未暮夏

潦公竭力賑恤併奏江浙閩皆大水願降德音蠲租稅
仍勅有司省不急以補經費十五年四月尋出東方乞下
詔求言中外噤莫敢及者十六年正月移知宣州悼
亡乞祠從之自是凡見田再任太平宮二十一年起知鼎
州再歲復引疾奉祠二十四年十月二日薨于里第享年
五十九越明年十月丁酉葬松陽縣惠洽鄉之原階自宣
教卽年勞賞典積至右通奉大夫數仕贈右宣奉大夫
諸子升朝累贈少師爵自麗水縣男至縉雲郡公食邑自
三百戶至二千四百戶實封一百戶公識慮絕人行以忠
恕內更劇曹它人膠擾公獨整暇外歷八郡人安其政
上用公意殊未已不幸位未滿能亦弗克壽議者至今惜
之夫人葉氏同郡處士俊之女與公共歷艱難同留武進
名聞禁中心無妬忌稱于族黨子十一人從事卽伯璠
承事卽仲璉朝奉卽叔玠朝請大夫季珩宣教卽季璆宣
義卽季琦奉議卽季璠朝請卽季璋吏方文采多濟世美
季璣季璠不及仕今惟季璠以朝請大夫尚書戶部卽中
總領淮東軍馬錢糧孫一十七人其知名者仲申終宣教
卽知明州奉化縣舒終後政卽興國通山縣令叔栝登進

士第終迪功郎樂平縣主簿銜紹熙甲科終文林郎衡州
州學教授銓迪功郎新楚州益城縣主簿鉅大學生鎰鄉
貢進士鉞迪功郎信州上饒尉鎮修職郎旌德尉鑰迪功
郎新饒州安仁尉銖將仕郎曾孫二十人元孫三人某將
仕郎公篤於友愛與其弟未嘗相捨收恤孤甥畢其婚嫁
力教子孫儒風彬彬其興殆未艾也既沒五十餘年豐碑
未立季子戶部君方為時用乃以故參知政事平公次膺
所撰誌銘及家傳屬某緒次者我先太師秦國公早與公
游某以孤童官學未成已知公譽望在人公亦聞從諸父
訪先公之後竊有感焉暨忝立朝識公諸子追懷先契其
何敢辭乃質之史氏忝憶舊聞為之銘曰

頌洞風塵 牧守跳犇 公一令耳 心存至尊

鄭錯根盤 鋒鏦必礪 公處其間 雍容犯濟

才難固然 知德允艱 公議大事 誠心每彈

訟理政平 已曰循吏 公歷郡國 儒飾吏事

維西有樞 謂公徃諧 命乃在天 夷變辰階

知公于初 紀德于晚 撫實刻辭 其尚行遠

史館吏部贈通議大夫朱公松神道碑

嘉泰三年

祖宗時擇儒學為館職自館職擇侍從由侍從擇輔相所謂儒學者明仁義禮樂通古今治亂其議論可與謀慮大事決疑定策文章特一事耳治平中歐陽文忠公在政府奏疏如此尋命宰執各薦士其效見於元祐之際高宗方內修外攘首置祕書省以儲人才他有司治事日不暇給獨館職涵養從容要路關必由此選國朝盛舉乃復

見之新安朱公蓋其一也公諱松字喬年世家婺源曾祖振妣汪氏祖絢妣汪氏父森常曰吾家五世積德業儒當有顯者後贈承事郎妣孺人程氏公生以紹聖四年見時

出語驚人未冠力學繇郡庠貢京師文體清新耻於蹈襲政和八月上舍登第以迪功郎調建州政和尉丁父憂服除再調南劍州尤溪尉監泉州石井鎮詩名聞四方他文混迹流轉惟意所適然謂於道為遠益取經子史傳考其興衰治亂欲應時合變見之事業又因師友浦城蕭顛子莊劔浦羅從彥仲素而得龜山楊文靖公河洛學問之要拳拳服膺每疑性急害道取佩常之說名齋自警在尤溪聞靖康北狩大慟幾絕自是奔走卑冗假祿養親無仕進意紹興初監察御史胡世將撫諭入閩公袖書告之曰

今不自荆襄赴興元結夏人控引五路東嚮爭中原則當
幸金陵固守荆淮柰何局促一方徒費日月竟將何為世
將其竒才歸薦于朝會前執政謝公克家守泉南亦露章
薦公學問不宜滯管庫遂召試館職策問中興難易公乞
順人心任賢才正綱紀累數千言辯論精博高宗嘉賞
除祕書省正字四年二月循左從政郎趙忠簡公以元樞
都督諸路軍馬約公入幕公以親疾辭尋丁母憂七年服
闋上已進都金陵九月再詔對公勸上抗志高明
垂精延訪求經遠持久計遂言中興之君惟光武身濟大
業可以為法元帝肅宗志趣卑近宜以為戒上明日對
輔臣稱善且謂光武無可議肅宗雖優於元帝然虧人子
之行於其終為可恨也特改左宣教郎除校書郎是時呂
祉代劉光世統軍淮西酈瓊擁衆叛去廟論欲斂兩淮戍
兵衛行都公率同列疏言不可亦會虜亦劉豫得叛兵不
可執制而廢之當路不能乘機會乃亟還臨安八年三月
遷著作佐郎御史中丞常同薦公可任大事四月復賜
對公言國論不過兩端進取者失之踈玩愒者失之媮惟
自治觀釁為上策願陛下並進忠賢修明紀律革姑息

振國勢虜不足平也。上悅。擢尚書度支員外郎兼史館校勘。刊脩蔡卞所改。哲宗實錄公力用為多。歷司勳及吏部員外郎。史職如故。實錄成遷左奉議。即磨勘轉承議郎。趙忠簡公罷相。秦忠獻公當國。決意講和。公與史官胡瑄、凌景夏常明范如圭合奏。陛下以梓宮母兄天屬未歸。不憚屈已和我。曾不思項羽置太公姐上。邀高祖。高祖知其詐。日夜思所以慶羽者。彼兵疲勢窮。太公自歸。此今日龜鑑也。秦方惡公異議。叅知政事李莊簡公又力援公。屬虜使再至。許歸河南地。公請用漢制。命廷臣雜議。又言二三大將握重兵。將有尾大之患。請復武舉。儲將帥。選驍勇補周衛。擇守帥。壯藩維。興太學。明人倫。以倡節義。規摹大率類此。秦滋不樂。諷言者論公懷異。自賢出知饒州。十年春也。未上請。主管台州崇道觀和議。俄變。秦蒼黃不知所措。有郎官代作自解之奏曰。伊尹告成湯。德無常師。主善為師。臣前贊議和。今請伐虜。是皆主善為師。如其不濟。則陳力就列。不能者止。當遵孔聖之訓。秦大喜。權郎官為右史。而不暇問所引。皆誤也。是時祕書省寓法慧寺。或大書于門云。周任為孔聖。太甲作成湯。秦大怒。疑出於館職。

相繼汰去而引用其黨公遂不可出矣祠滿再任命下而
卒十三年三月辛亥也享年四十有七公性孝友於朋友
重然諾不以死生窮達易其志誘進後學揚人之善凡邪
佞嵬瑣鄙而遠之沒一甲子秦薨異時名士柳暹竈逐者悉
起為大官獨公無年識者惜之其將終也手書與所善胡
憲原仲劉勉之致中劉子翬彥冲屬其子熹使往受業其
後遂以奧學高文推重當世今上聞其名以待制侍講
禁中累贈公通議大夫初公卒之明年葬建寧府崇安縣
五夫里西峪山勢頗卑下乃卜慶元某年某月某日遷葬
武夷鄉上梅里寒歷山中峯僧舍之北公嘗賦詩有鄉閭
落日蒼茫外尊酒寒花寒歷中之句茲其識乎待制以其
先太師與公為同年進士故來請銘公娶同郡祝氏處士
確之女贈碩人事姑孝謹待內外姻親和順得其懽心後
公二十七年卒別葬建陽縣崇泰里後山舖東寒泉塢一
男熹也女嫁劉陽丞劉子翔早世孫男三長塾已亡次槿
將仕即次在承務郎女三人脩職郎劉學古迪功郎黃幹
進士范元裕其婿也曾孫男五人鉅鈞鑑鐸女九人長
適文林郎趙師夏餘未行公平生所為文有常齋集十

二卷行于世。外集十卷藏于家。吏部侍郎徐度自言少多
與前輩遊。迨識公及張戒定夫。始得為文之法。欲為公集
序。未及成。而文士傳自得實為之。謂公詩高潔幽遠。其文
溫婉典裁。非溢美也。公母弟棹亦負軼才。不肯俯仰於世。
有詩數十篇。高遠近道。踰玉瀾集云。銘曰

信道惟人 窮理以書 合而一之 乃曰通儒

表表朱公 邁往于初 師友淵原 名實允孚

蘭臺史觀 卿才是儲 有昌其言 有宏厥模

人雖我柳 豈無後圖 高皇更化 群賢畢趨

公則逝矣 齋志弗紓 幸哉有子 播穫菑畬

追爵黃散 肇營新墟 揭以銘章 永鎮龜趺

資政殿學士中大夫叅知政事贈太師李文敏公

卯神道碑 嘉泰三年

濟水貫兗。與徐居古九州之二。其在四瀆。得天地質信寬
徐之氣。其澤曰大野。是為十藪之首。鍾英炳靈。今於故叅
知政事文敏李公。見之始。以淵原之學。華重之文。藻飾王
度。中以剛大之氣。扶顛持危。晚以超卓之見。居安資深。允
所謂間生之賢者也。公諱卯。字漢老。系出唐郇王禘。其十

一世孫濤仕五代為相入本朝歷兵部尚書生水部郎中承休公高祖也水部生廣文館進士贈兵部尚書諱仲寶公加贈太子太保者曾祖也官保次子諱景山官至駕部郎中贈太子少傅西娶蘭氏贈咸寧郡夫人公祖父母也朝請大夫諱瑒贈少師公父也娶仲氏鎮國夫人孔氏卽國夫人高曾皆葬濟陰伯祖殿中丞景圭及官傅葬濟之任城故公為濟州鉅野縣人幼警敏喜讀書弱冠能文伯父樂靜先生昭玘嘗從眉山蘇文忠文定公御史中丞孫公覺門下侍郎李公清臣講論文章仕至起居舍人性靜厚忠實其文演迤貫理穩密不露斷削公獨得其傳崇寧五年登進士第授將仕郎德州平原尉上官待以異禮秩滿升從政郎濮州郵城丞外艱服除執政知其名用為編脩國朝會要所檢閱文字宣和初以儒林郎特除祕書省校書郎改宣教郎二年十月權尚書禮部員外郎時中外奏祥瑞無虛日公草賀表筆不停綴精確典麗三年夏進起居舍人是冬以通直郎試中書舍人賜服金紫五年七月遷給事中閏月權直學士院陳橋顯烈宮成特命公撰文刻石明年八月入翰林為學士徽宗曰內外制得

卿稱職矣高麗入貢選充館伴會召宰輔親王貴戚宴

睿護殿賞橙橘侍從預者纔四五人而公在焉 詔賦紀

事詩公垂館客夜草百韻以進 上大喜遣中使持示麗

人麗人表謝乞傳本以歸凡私覲悉加等適蔡京再領三

省言路觀望適公作大宴樂語盛稱鎮圭為罪黜提舉南

京鴻慶宮七年冬除徽猷閣待制知越州為政清簡抑強

扶弱欽宗覃恩轉承議郎詔諸路兵備胡公擇椽屬通明

者付以調發城中至不聞兵出議者猶論公前因時宰驟

進而不知 主眷素厚也坐落職提舉西京嵩山崇福宮

高宗初元復右文殿脩撰踰年 召為兵部侍郎再直學

士院三年二月壬子 車駕南渡壬戌至杭州三月癸未

苗傅劉正彥反露刃宮門 上登樓撫諭公亟趨前叱責

傅等兇焰稍息又諭殿帥王元擊賊元唯唯公扣宰相朱

勝非問計策傅等皆在公反覆鑄詰人為公危公無懼色

退勸勝非密引外援制賊又謂傅所聽者正彥正彥則倚

王世修為謀主宜陽許世修侍從以間之蔑不濟矣 太

后垂簾旬餘勝非遂奏變故以來從官能助朝廷者惟李

邴鄭穀協心于內誦言于外乃除公翰林學士穀御史中

丞呂頤浩張浚劉光世張俊等義師起公與權直院張守
分樞請復辟表及批荅丙午勝非白 太后除公與穀並
為端明殿學士同簽書樞密院事四月戊申朔 上御朝
明日遷公尚書左丞自朝散即例轉中大夫公懇辭 上
賜親札略曰卿毅然正詞氣折兇醜萬衆動色具臣醜顏
公謝表亦云謀寢淮南雖慙素望笏擊朱泚實厲壯心詰
責兇渠激揚禁衛迨成復辟實與祕謨蓋出孤忠豈徼後
福當時稱為實錄乙卯大赦其文云斷鼉之極開闢功成
取日授寵神明御正亦公所草四方誦之 駕幸江寧六

月依 祖宗舊制合三省官改叅知政事尋以防秋分六
宮百司奉 太后如洪州命公為資政殿學士權知行臺
三省樞密院事公與相臣呂忠穆公議論不協臺諫有向
背意公聞之固辭八月仍本職提舉洞霄宮 上念公不
已未閱月起知平江府視事三日復從祠請兄鄴帥越失
守連坐落職明年復端明紹興元年大禮還舊職十六年
五月甲午以疾薨于泉州居第之正寢享年六十有二遺
表聞贈正奉大夫八月庚申葬南安縣石鼓山之原爵隴
西縣開國男食邑四百戶妻東平郡夫人任氏朝請即之

立女前七月卒五子頴警悟絕人不樂仕進號萬如居士
有梅詩百篇終朝請大夫侍講朱熹碣其墓維宣教即贈
朝奉大夫紀疾廢綸朝奉大夫糾承議郎贈朝請大夫五
女長適朝奉大夫直祕閣傅自得次適左迪功郎趙如川
再適朝請郎晁子闔次適通直郎梁護次適從政郎仲壽
朋次適迪功郎馬諒再適迪功郎傅伸孫男十四人詵承
議郎諱承奉郎諤從事郎諫承務郎詛朝散郎謙承務郎
訥從事郎詵諡今為朝奉大夫荆湖北路轉運判官說通仕郎
訢從事郎諤將仕郎詠訥諤孫女十一人公天資高明積
學深至早歷清要號稱文士粹遇國難大節凜然為廊廟
之器嘗奉詔編類平江勤王及奏請本末付禮部鑲板
公既列上即匱藏元牘後自泉南繳納省中子孫始知一
時定計具草手疏皆出公及朱丞相之手它執政著名押
字而已罷政十七年避時相不復出讀書作文雖病不廢
延納後進教誘無倦稱人之善覆護所短若親舊行已未
至則質問再三使歸之正奉養簡薄振恤宗族治家嚴而
恕每愛徐孺子申屠子龍陶淵明之為人晚棄世故深造
以道夫子所謂朝聞夕死者公蓋得之所著草堂前後集

一百卷行於世其葬也寶文閣待制趙思誠為之誌諸子
遇恩累贈公太師配封魯國夫人淳熙初公薨三十餘年
矣近臣及公叱苗劉事孝宗嘉歎特令定謚其後有司
以學勤好問曰文應事有功曰敏易公名今公諸孫惟季
子之子訖在典州持節學世其家以公神道未碑遠使來
請某久備史官得公出處故詳書而系以銘曰

齊魯之間

儒學之淵

道閉賢隱

祥麟出焉

由漢迄唐

士多名世

公生盛朝

亦放手萃

其來儀儀

資適逢時

以文華國

天子所知

變起弗圖

公奮烈烈

面折群兇

我勇彼懼

籌幄既咨

義旗既麾

中外協力

乾清坤夷

倬彼宸章

粲若星日

告于萬邦

不顯公績

上方用公

公曰歸歟

成功者天

寵則難居

燕處超然

道則深造

窮理盡性

庶其允蹈

生有自來

逝也名垂

刻詩道周

言何敢欺

平園續彙卷第三十

周益文忠公集七十

神道碑十

同知樞密院事贈太師洪文安公遵神道碑嘉泰

三年

洪忠宣公見危授命半世異域白首未歸力陳忠言至計

高宗方引以自近權臣惡其害已不使決日安於朝廷

之上至以漠北僅存之身投諸南荒必死之地身且不闕

閑

皇恤其家然而長子丞相文惠公次子樞密文安公被遇

兩朝先後得政又次子翰林公邁未及大用而入從出

藩翺翺最久。蓋立朝莫清於登瀛。莫榮於代言。莫重於掌
文。柄莫尊於間。兩社公既與昆季迭居。並以文章稱天下。
公又先進。或一再至焉。其後孫曾印綬相望。方興而未艾。
衣冠盛事。世推洪氏。易云積善之家。必有餘慶。傳謂非在
其身。在其子孫。蓋天定能勝人也。樞密諱遵。景嚴世為
饒州鄱陽人。曾祖炳。贈少保。妣紀國夫人何氏。祖彥先。贈
太師。榮國公。妣秦國夫人董氏。忠宣諱皓。終徽猷閣直學
士。左朝散大夫。贈太師。冀國公。妣楚國夫人沈氏。世次見
文惠碑。公兒時端默如成人。楚國亡。慟絕者再。苦學忘晝
夜。詞章莊麗。自成一家。紹興十二年春。以右承務郎監南
京中嶽廟。冠詞科。賜進士出身。高宗念其父特除祕書
省正字。復科徑入館。自公始。閣下多前輩。皆以畏友待公。
明年春。文惠公繼來。樞紳榮之。秦熈為祕書郎。為少監。勢
赫赫。公守道安恬。留滯不遷。九月。忠宣去國。公求通判
常州。守樞密。鵬舉部侍者。孫祕丞。汝翼待僚吏。嚴峻。公
雖少。而明擿吏姦。臺府爭委以事。移倅婺州。守李琛傲。復
亦知敬。公升佐。紹興府未上。二十五年夏。再入為正字。攝
行外制。十一月。楊樞密執法殿中。薦為御史。方賜對。而忠

宣公薨服闋召還公奏先臣與龔璿均使虜廷璿臣劉豫以擅殺人被誅秦檜反贈節鉞臣父抗節乃貶死可謂不分逆順矣詔還忠宣舊職賜謚權公起居舍人遷郎兼權樞密都承旨二十八年也明年正月除中書舍人賜服金紫殿前裨將輔達轉防禦使王剛團練使公言近制管軍十年一遷二人尚未滿歲上喜曰步帥趙密去年求遷詞臣謂密為節度使方九年逮今乃除太尉卿論二人軍中自以為當也時勲臣子孫多歷臺省議者以為言詔序遷至次對即久任內祠公奏侍從非磨勘比言明序遷可乎三十年正月兼權禮部侍郎俄遷吏部選人詣曹改秩予奪遲速盡出吏手公隨事疏理吏不得肆元顏亮將渝平中外以為憂沈介使回獨謂無它公請密為邊備八月兼權吏部尚書舊制文武臣致仕任子許所在州保奏或請必由本貫革弊公言官游蜀廣或數千里自有勅牒可驗詔仍舊法公既以近臣兼承密旨邊防民隱每為上言三衙春夏牧馬夏菰城仰給蘇湖季三州適積水淹胃田有司預請倍輸夏麥以補芻粟北虜索絳陽郭小的安化劉孝恭等二百家公皆執不可軍器剋弊命公料簡

公區別良窳衆謂熟於軍旅者未必能也 上以是有大

用意入翰林為學士典銓如故明年御史論湯丞相思退

章不下内批以太學士奉祠公當直例作平詞諫官去

公連請去三省擬除敷文閣直學士 上令進微猷提舉

江州太平興國宮閣三月平江關守 上親用公先是虜

亮命張忠彥堅壁鳳翔拒吳璘以劉蕡攻擾襄漢自將精

銳及簽軍分寇兩淮謂我悉兵杆邊乃別造舟膠西刷河

北壯丁雜金人號大漢軍統以蘇尚書者將由海道乘虛

擣二浙謀知其謀詔浙西總管李寶率舟師禦之公竭資

糧器械濟寶寶乘風盡焚虜舟亮謀既壞忿躁就薨寶由

左武大夫超授靖海軍節度公有助焉步帥李捧嘗請斷

吳江橋防虜入或又欲墮常熟縣之福山限其騎軍公曰

審爾是棄吳以西耶凡堂帖監司符以皆收不行上幸金

陵從衛百須傍郡承迎不暇入公境獨無過求公謂官拘

商船聚近海縣募水手留民兵夾運河築烽臺徒費無益

悉條奏散遣吳人德之三十二年夏 上將内禪趣召公

日詢來期遂還翰苑凡傳位及登極赦上 太上尊號追

冊安穆皇后封拜三王制詔皆公視草六月進學士承旨

兼侍讀隆興元年知禮部貢舉皇城選卒拔內侍王允備
侵辱士人公引蘇軾奏陳造故事以聞閩士楫其友邏者
指為傳義欲拔出之公命卒業一士賦檀場又有對策剗
切皆傍犯名諱公為取旨許降等奏名前二人林光朝樓
鑰也陳自修試詞科擬制一語聾牙被黜公薦其才學特
與教官其愛惜士類如此五月同知樞密院事張忠獻公
以元樞督師江淮公與宰相協心帷幄凡處分機要平議
對境書檄敷陳曲折率稱上意公前後從班與正言周
樞議論不同至是樞為侍御史將以和戰不決彈公疏未
入語漏上從樞權吏部侍郎公不自安求去上却其
章請益力以端明殿學士再提舉興國宮還鄉傾貲葺園
圃築小隱堂日與昆明賦詩飲酒極溪山之樂乾道六年
起知信州民遇吉凶及營造困於科酒諸縣重賦斂州市
物虧其直公家隣郡素知之至即函為罷行旬日驛召赴
闕奏事時江東圩田壞徙公知太平州前政即周御史聞
公來不俟合符馳去公追餞十里曰前日國事何嫌今不
為子孫契即交驩行而公躬履圩埂勸相徒役用工數萬
人忘其勞轉運張松妄奏圩未嘗決民無轉徙止當責成

圩戶裁省雇募公乞朝臣按視於是將作監馬希言監察
 御史陳舉善繼來直公之言圩成合四百五十有五松方
 別治溧水永豐圩過科工費壑鄰逞憾公曰郡當歲餘方
 賑恤流移勸分乞糴如封股不充喉尚能飽他人之腹乎
 力訴于朝就除知建康府兼本道安撫使行宮留守上
 諭當制舍人范成大載公治績且許入覲時虞丞相允文
 有意北征先移駐傳衛軍馬驟增萬竈勅公二同府議于
 內殿公奏呂惠卿請與弼臣對同神宗赫怒近太上
 在金陵張浚司留鑰亦不許偕執事政奏事願別班引上
 批所委體大共議勿辭蓋近此所無也進資政殿學士寵
 其行至則蠲苗米耗剩許民自持斛鬻徧走郊野以置營
 壘民居及塚墓一無相涉諸將不能易上賜手札曰寨
 地異同卿挺身任責非乃心王室疇克爾喻年役興禁卒
 醉酒搖衆公磔于市帖帖無敢噪御前軍嘗書入旗亭挺
 刃椎壘公付獄驛聞統帥懼罪乞付軍自治上怒罷統帥
 公亦貶秩二等頃之五營乞還還玩官加大學士屬部
 饑公疲精林荒食少事多庸醫勸服礬石鼻衄不止暮夜
 江船火近大軍倉公馳棹疾益侵祠章三上淳熙元年春

乃許提舉臨安府洞霄宮十一月甲午薨于里第享年五十有五積官太中大夫贈宣奉大夫爵本縣開國子食邑六百戶四年正月丙午葬湖陽七蟠山之原妻咸安郡夫人朱氏尚書石丞諱之孫朝議大夫正剛翰林狀公遺事上太常謚日文安有文集八十卷東陽志譜雙各十卷錢譜五卷男子三人橘今為奉直大夫新知峽州橘早世棹今為奉議郎新西浙轉運司幹辦公事賜緋魚袋女二人四不及嫁其二適禮部尚書木待問提轄左藏東西庫陳由義今俱亡孫男七人价舊名恢今為奉議郎淮東常平司幹辦公事悅承奉郎早亡佃通仕郎僖承奉郎佺仲俟未仕孫女八人長適儒林郎新四川總領所幹辦公事余忠卿次通直郎前知德化縣汪杲繼室以其妹次許進士楊景受二夭餘未行曾孫男三人艾將仕郎蔚登仕郎若將仕郎公以二子升朝累贈太師咸安後公十二年十二月薨與同公穴贈秦國夫人昔某試館職公實發策孝宗初元分掌內外制每議事輒聯名相與至厚以是峽州遠求墓道之碑惟公靜重通平居言不輕發上前議論纚纚語簡而理足雖以文進政術自高與物無競人

不忍數守郡未嘗以公錢予人親舊有求捐俸不靳故通
貴而家無餘貲其既備書見聞復系以銘曰

幼躬晝後 有聞于先 進德脩業 惟嗣之賢

嗟嗟忠宣 奮身致主 生死朔南 兩極艱苦

天寶恫之 三子並英 科名宦達 公則先鳴

翔于樞庭 底績三鎮 有猷有為 謂復得政

何德之藏 而年弗長 惟文與行 沒世彌彰

彼崇者立 屹立斯石 詩以颺之 有永無斁

和州防禦使贈少師趙公伯驥神道碑嘉泰四年

太祖皇帝七世孫和州防禦使提舉佑神觀贈少師諱伯

驥字希遠系出燕懿王王生彰化節度使惟忠彰化生宣

城侯從謹號宣州位宣城生崇國孝恭公世恬崇國生嘉

國公令駿嘉國生左朝奉郎贈太中大夫子笈公大中第

四子母碩人劉氏毅肅公昌祚孫紹興初以嘉國遺奏補

承節郎兼紹興府餘姚縣酒稅樞密韓公肖曾以一代人

物薦于朝歷監臨安府市舶務湖州商稅臨安浙江稅

高宗嗜米芾字芾嘗奉 詔書崇國誌銘貞蹟進 御喜

曰令駿及從蘓軾黃庭堅故子姪皆業儒朕在宮却知之

召對待以家人禮錫帶賜第晏侍清燕改侍衛司馬幹辨
公事浙西安撫司幹官隆興二年夏擢本路兵馬副都監
兼職德壽宮進兵馬鈐轄乾道六年金國遣耶律子敬
張僅來賀會慶節假泉州觀察使知閣門事充接送館
伴副使使者聞公議論激昂甚加敬憚初孝宗銳欲恢復
用宿將李顯忠邵宏淵大舉北伐雖二將不朱律咸王師自潰
然威靈所加中原多響應者虜由是委曲求和上亦思
蓄銳再舉始姑從之當時虜求海泗我若求鞏洛如鄭壁
假許田於理為長况彼以太上為兄書儀一用敵國歲
幣復損十萬已許其大豈計受書細禮此自謀臣欲速無
遠慮之失也是夏上命起居舍人范成大充使議二
事虜許遷奉祖宗及欽宗梓宮至於受書亦無峻拒意
尋遣中書舍人趙雄賀金主生日選公為副南渡宗室北
使自公始十一月己巳禁夜直玉堂大璫霍汝弼出御
札云生辰使兼贖國書一封理會受書卿可擬進立具草
付汝弼明言尊卑分定或校筆成叔姪情親豈嫌坐起
上批付宰執商議二劄併得家藏後四日召見褒諭云卿
能道朕心中事因宣示成大所携回書讀訖奏臣不知彼

說陵寢豈可止及受書。上謂難為辭奏云容臣與宰執謀別作意度退至都堂而商議之批已先下其添一聯云惟列聖久安之。陵寢既難一旦而輒遷則靖康未返之衣冠詎敢先期而獨請宰執難之七年正月雄等行壬辰宰執謂予對境果移文問二事悔不用君言予云幸雄未出界宜易國書而檄對境所問已附賀生辰使副仍錄本付雄等毋如呂夷簡不使富弼知書意也諸公大以為然奏遣密院使臣追及雄等於盱眙虜自此始無說前

公與雄

陛辭

上以賀書授雄別緘授公虜遣盧璣烏

林答仲傑接伴知持禮特用宗室待遇加厚父老亦歎曰此我家天族也老嫗有流涕奉壺漿者至保州驛公率官屬望國初先瑩御莊悽愴稽首人為動色公與璣輩在道誠意相孚璣問此行無它求否公及別緘璣始聞盱眙之檄喜公無隱亦頗通情嘗語公南朝移司馬屯金陵似將遷都又濠州人夜劫靜安鎮馬殺死軍兵無乃求釁有請乎先是盱眙守龔次金禁止騎淮作過人犯者必斬公携印榜示璣且謂渝盟不在移屯動觀聽璣等皆冰釋暨入見雄與公各進國書入辭亦各授答書公再三奏從違其

宣徽使敬嗣彈傳命云已載書中勞還上悅自武翼郎
超轉武翼大夫俄陞本路副總管公贊帥優支將仕餐錢
精教閱明階級捕逃亡禁私役一日内教上謂驍勇不
減三衙褒諭帥守趙璠老璠老歸功於公特領榮州刺史
淳熙五年公子司農寺主簿師翬輪對上曰卿父宗英
旦夕煩一出明日遣內侍問公浙東西闕使惟卿所擇遂
提點浙西刑獄轉忠州團練使時議分屯四明水軍於平
江之許浦委公相視公言公浦泥沙膠舟利屯輕舫若戰
艦當泊青龍鎮詔可卿大用代子友為統帥欲毀民居
夷丘墓繕營壘公請市閭田公私便之蘇湖闕守公皆兼
攝晝夜服勤庭無留訟潔已裕民財用贍足江陰士人具
姓者罪當杖而情可恕公緩之迄用赦原吳興學生犯法
公命教授答以學規愛惜士類如此或得盜賊囊橐鋤治
不少恕特轉武功大夫和州防禦使以勤瘁得足疾七年
冬師罷接伴金國賀正者上命過平江為朕屬卿父謹
疾自憂許送伴回程少留八年天慶觀火焚正殿公籍黃
冠私帑一新之上賜筆金闕寥陽寶殿并親札賜黃緹
助修飾行在闕尹上欲用公固辭詔令奏事留奉丙

祠九年正月特落階官以正任升提舉宮觀張燈宴客自
歌所製樂府酒罷欲寢無疾而逝十一日也訃聞 兩宮
軫悼賜仙器以斂年五十九是歲三月三日葬平江府吳
縣至德鄉觀音山十一年師葬用 大禮恩乞易公文階
換通議大夫累贈至少師初娶楊氏廣西益幹萃之女先
二十四年卒再娶劉氏昭懷皇后弟儀王安成曾孫後公
十七年卒皆自恭人累贈秦國齊國夫人並祔葬焉二子
師葬以文采弟進士才猷歷內外要劇官守臨安歷工戶
部二侍郎今以龍圖閣待制帥維揚師弇武經郎新常州
兵馬鈐轄五女長適訓武郎董珏迪功郎湖州烏程縣主
簿李秀實早寡次適故通直郎知江陰縣陳崱次適武功
大夫主管佑神觀張延裕次適文林郎新臨安府觀察推
官胡如祖次適故承節郎寄班祗候續湜孫男三人希
蒼承直郎建康府駐劄御前諸軍都統制司書寫機宜文
字希虞故保義郎監潭州南嶽廟希祐文林郎太平州蕪
湖縣丞女二人長適從政郎監紹興府諸暨縣中浦愷賞
酒庫楊訓次適宣教郎知紹興府嵯縣詹義民亡矣公風
神警邁性識明敏束髮喪父毀瘠過哀既娶與秦國事毋

孝敬兄沒，拊孤姪，過已子，割俸助嫂，蓋自太中繼登儒科，仕止佐州，篤意教子孫，至公博洽，醞籍長於歌詩，心畫取法，晉唐時遊戲於丹青，食客常滿，坐羅列，書畫弓刀自娛，而無聲色之奉，踈財重義，欲種德遺後世，家無餘貲，高宗知其居陘隘，輟地基於比隣，仍給工役費，以益之，甫落成而師，異唱名在丙科，又擢御前，聞喜宴詩，大書榮桂榜，其樓後數日，孝宗宣引，獎其義方之訓，兩朝宸章，充滿篋笥，士豔其榮，自號無隱居士，有詩詞二十卷，藏于家，予久與公父子同朝，至是，楊帥按贈典，子為侍從，父極三少，乃以族人，故中書舍人彥中所次行，實請碑墓，隧為之銘。

曰

唐興聖帝	姑臧攸自	歷世惟七	櫻實賢裔
人門第一	蕃首知貴	洵美亞師	有華帝系
名聞幽燕	殿亦層使	僅登杆防	不載高位
顯允令子	一品追祿	勒銘昭之	前修是繼

平園續彙卷第三十

平園集卷之十

顯肅皇后當

于天下族屬往往被服儒雅戚畹儀之

高宗南渡諸后

家多厄於兵惟

顯肅之姪榮國端靖公諱藻舉宗扈蹕

久領上閣以使相奉朝請考終于家公蓋其猶子也自以

才敏結主知歷中外予長樞廷來承密旨聯事三年

見其議論正職業脩又與予同生丙午以是其子持祕書

丞龔頤正所狀行實求碑墓道詎不得辭鄭氏世家開封

武泰軍節度使贈太尉鄭公

神道碑

嘉泰四年

興商

年

公初名興宗字光錫。孝宗選介北使賜名興裔曾祖諱
 紳太師樂平郡王追王南陽謚僖靖妣秦國夫人李氏蜀
 國夫人任氏祖諱翼之陸海軍節度使贈太師魯國公謚
 榮恭妣宗女仁壽郡主父諱蕃武經大夫和州防禦使贈
 少師妣燕國夫人趙氏公早孤父事榮公紹興四年用
 顯肅遇明堂大禮恩補成忠郎監潭州南嶽廟幹辦祗候
 庫昭慈聖獻皇后殯宮內外巡檢志在問學留_校下六
 年未嘗干進監鎮江府權貨務都茶場歷秀州宣州平江
 府兵馬鈐轄隆興元年陞江東路鈐轄乾道初留司治

行宮望幸公謂勞人費財且都統及馬軍行司擇帥未善
 孝宗由是簡注三年徙閩路入對詢守令臧否公誦所
 聞上曰卿練達時務習知吏方行當用卿會復置武臣
 提刑七年就使本路郡守與寓公因詩文交訟獄久不決
 公平反之甌寧有殺人亡命者干繫日衆公乞摘斷上喜
 遙領高州刺史福帥常用大臣監司例不可否獄事公獨
 舉其職制檢驗三格目一申本司一上所屬一付被害之
 家參互考實遂著為令四郡屢更鹽筴漕臣請易綱運為
 鈔法公極言其非又謂薦舉不公選入宜參用考任縣尉

捕盜改秩多僞當加審覈海寇倏去忽來調兵常無及宜
復置澳長寇至徑率民兵禦之又棟中禁兵事藝未精仍
多私役漳州野象害稼民設機穿而獲州縣追取其齒無
敢捕者悉條奏罷行之八年領成州團練使示旌褒也或
傳虜有異志召爲生辰副使覘之使還具言無他提點浙
東刑獄淳熙元年易浙西鎮江軍習水戰貴近將命在焉
大風舟壞士溺詔公審視公以實聞有不樂者徙公江東
請祠歸九月除知閣門事兼幹辦皇城司十一月兼樞密
副承都旨接送賀正使者步軍營婦楊殺旁舍兒取臂釧
而棄其尸廷尉論如律刑部以無證佐出之詔公與御

史雜治得實上曰朕固知鄭某能辦此以其廉貧特支
真俸賜第百官宅仍給營造費公自初仕積十四遷至武
功大夫領和州防禦使四年特轉右武大夫四月丁母憂
六年免喪職任如故尋副館伴又充明堂大禮行宮使
八年落階官正除均州防禦使九年再使金國還潭州觀
察使榮國薨公請開致追報之義提舉佑神觀十二年起
知揚州不拜明年帥廬歲儉力舉荒政治飢民爲多十五
年復徙維揚適承匱乏樽節百方初在淮西却鄰道互送

禮公至按籍有支無收前政俄坐妄費得罪軍糧不足例
雜他境公隲括滲漏補其費編戶茅舍困火災貸民萬餘
緡陶瓦一新之復請于朝免責其償楚州議改築舊城或
云此韓世忠遺基不可易上雅信公特命臨視闕地丈
餘板榦堅密上閱奏喜曰鄭某不吾欺也久之以餘力
葺學校立先賢祠定部轄民兵外差法作成士氣濇漕河
治橋梁創義冢細大畢舉光宗嘉之紹熙元年特遷保靜
軍承宣使二年召領內祠充明堂大禮都大主管大內
公事今上即位四明調守公在選中兼沿海制置使蠲
常賦撤私稅闔境便之慶元五年告老制授武泰軍節度
使中興後轉節度使致仕如前執政葉夢得自觀文殿學
士而換劉貴妃父懋由兩使而遷止隆外制至是特宣麻
蓋異恩也爵自壽昌縣開國男食邑三百戶累封郡侯食
邑至一千九百戶實封二百戶方從容賜第築退庵以供
老九月三十日以疾薨于正寢壽七十四特贈大尉公天
性孝謹燕國之喪幾至於毀榮公將終分以餘貲公辭曰
叔父素恤宗族願立義莊贍南北春至今賴之上前論
事無隱孝宗嘗歎風俗苟且公曰陛下當治其本凡

將相大臣審擇而篤信之使安其職則苟且之習革矣
上以為然職事所及間薦人才未嘗使知平生寡嗜每
從榮公講論朝儀退語諸子喜誦白樂天詩取言行可法
者為聞見錄故其迹也 九重震悼宰執暨文武朝士皆
賦哀挽舊治士民祭奠絡繹有司定謚曰惠肅娶林氏同
知樞密院事吳郡文節公希之孫贈碩人前公十八年薨
子男四人長挺天夫忠州團練使新知揚州次樞成忠郎
早亡次楨從事即浙東茶鹽司幹辦公事次杭文林郎浙
西茶鹽司幹辦公事女六人長適承直郎前添差兩浙路
轉運司催促物斛官高可大次適承直郎前知池州建德
縣劉植次適武節即太平州兵馬鈐轄張莘次適奉議郎
提轄權貨務都茶場王子瀾次為尼賜號直戒大師次天
孫男二人鑄保義郎早世次鐸成忠郎閣門看班祇候孫
女一人諸孤以是年十二月庚午葬公臨安府餘杭縣石
門山從少師之塋其銘曰

列聖家法 高出前世 姻戚多賢 相率勉勵

英英掌武 其美能濟 進不以恩 從政果藝

張旻朔漠 覘國無敵 攬轡閩浙 祥刑有惠

道守旨壽幄 司儀班綴 淮壩撫綏 勤海節制

顯庸交奏 宸指默契 引年告歸 旌節里第

胡不百年 遽逐川逝 咨爾後人 引之勿替

平園續彙卷第三十一 周益文忠公集七十一

墓誌銘一 墓誌銘 紹興五年

胡斗南墓誌銘 紹興五年

紹興十三年 高宗皇帝復置國學於 行在所四方英俊挾

藝求試以萬計 江西素號士鄉 越明年中選者通一路 總三人

而友人胡斗南在焉 自是或留肄業或歸首親 往來四十年 聲

譽日聞 凡兩浙江湖先進 若後生一游成均 則知斗南姓名 曰

是修身安分 通經而贍于文者 爭願結交 人謂釋褐可 日月冀

而連枉有司 中間僅一遇 覃恩免舉 一以詞賦獲舉 造升舍

試蜀人李賢良。屋考其文第一。御史揭榜。復疑人數不應。式罷去。祭酒司業博士正錄。無不嗟惜。之後置。德壽慶八十。思乃授迪功郎。監潭州南嶽廟。淳熙內禪。循修。既即。又數年而沒。其初終如此。今夫學者不知進德修業。每考得失。于占筮一或連蹇。非怨天則尤人。惟斗南學成名。立自鄉達于國。皆曰當然。乃獨不然。嗚呼。可以言矣。君諱箕。字斗南。其先自秣陵徙廬陵。曾祖將仕郎諒。祖鄉貢進士方中。考宗古。廬溪王先生庭珪嘗銘其墓。君幼而志趣不群。既長。貫穿經史。尤精於春秋。為文下筆千言。哀不休間。得異書。口誦手抄。忘寢食。已老無倦。事親篤孝。免父喪。擯衰冠于墓次。過忌日。及歲時。上塚必哀而服之。母太安人陳氏。無恙時。間歲自季謁告。徒步數千里。不憚勞。諸弟籍君教道。皆有聞。其季籍登第。不秩。不幸早世。君平生介潔。廉方。一飯不輕就。一毫弗妄取。服用簡質。居無惰容。與人交。謙恭誠信。未嘗戲侮。鄉隣有不善。惟恐其知。胡氏人族叔。父資政殿學士忠簡。忠帥以嚴正群從。畏憚。惟待君加禮。君亦有聞。必告忠簡。公每于廣坐。褒稱之。風勵其餘。生七十三。年以紹熙五年二月六日卒。娶曾氏安遠令嵩之女。四子。楷。模。格。標。伯仲。嘗同試春官。楷乃再奉文。尤高二女。適鄉貢進士倪升。卿一未行。

孫男四人黥燹焚煨女四人遺文三十卷三傳會例三十卷孫
吳子注解並藏于家諸子于是年十一月丙申癸吉水縣中鵠
鄉溪塘焦坑之原以狀求銘予而君游文知君為深銘無愧辭
銘曰 行著一鄉而能不施於邦文傳四方而利止資于王惟德
之彰惟子孫之昌嗟吾斗南庶幾不亡

宣議郎致仕賜紫金魚袋胡公昌齡墓誌銘慶元元年

江西多名士吉為冠自吉言之廬陵胡氏為大族群從百數多
通經工文章守禮典靖州治中份宣和己亥上舍釋褐循州錄

事叅軍敷中甲辰進士第高廟龍飛策士於淮海忠簡公以

直言擢殊科益寇厥家其後大理寺主簿鎬知蒲圻縣籍相繼

登第秋舉殆無虛榜它姓莫敢爭衡公於忠簡雖從姪而年相

適同事蕭先生楚學春秋俱號高弟自公之祖已真于鄉公當

弱冠侍其父赴大比試父升而出黥公喜曰吾固不欲父子同

薦妨他人自是才名章人謂一第可唾手取迨年四十始上

春官又二十五年當乾道己丑乃以特奏名對策萬余言唱名

入高第寺初補將仕郎類試中選授迪功郎靜江府戶叅軍帥

守張敬夫儒宗吏師不輕許可咨公以府事潔廉正平闔府稱

美滿一歲謝去。敬夫曰：君力尚壯，何去之果？公曰：某昔銳意元宗，今蹉跎至此，始欲應京秩格為門戶計耳。敬夫不能奪賦詩。餞之，改承務郎致仕。時淳熙四年四月也。疊值德壽宮慶壽恩，十年賜緋衣銀魚，十三年轉承事郎，賜服金紫。壽皇內禪，轉宣義郎，蓋家居優游者十有六年。紹熙三年十月二十七日，以疾卒。享年八十。明年九月壬午，葬縣之儒行鄉仙壇嶺。母瑩之側治命也。公諱昌齡，字長彥，曾大父諒將仕郎，娶藏氏。大父方中，娶歐陽氏。父仔，母羅氏。生公九年而沒，遺言勉公：季公泣而志之。終身為事，繼母劉氏、解氏俱盡孝。解先適黃氏，有女嫁公。從弟生子棟，而寡公收恤教育，使有成。立紹興己卯，慈寧慶典，解封孺人，創及老堂，忠簡公為之記。家故貧，銖積寸累，不憚苦節，獨于賓祭致厚，族姻不能自存者，周急無少靳。自幼至老，學益日富，每著書授證，古今是非，下筆不休。喜藏異書，手自讐校，有文集五十卷。娶朱氏，先一年卒。四子：長椿，季根，早世。曰抵，曰栒。四女存者亦兩人：張沅，劉之肅，其壻也。孫男曰芡，壻女許，婦歐陽瑩。余與公游久矣，姪繹實娶公仲女，不幸偕亡。而公念舊弗替，年過八十，猶歲以詩文遺余，大篇小楷，少年者自謂不及。公今已矣，未請銘，其可辭銘曰：而孝於親及宗，姻儉。

使 袂

於身豐祭賓少而篤孝老益勤仕焉遽止晚乃榮初終誰毀譽
則聞謂銘不信諏鄉評十餘篇以表其德慶元二年三月

宋故連州彭史君堯輔墓誌銘

慶元元年冬連州史君彭道夫以病臥家士大夫問訊者數擊
袂屬惟恐其不亟瘡也十二月二十八日竟不起疾於是吊客
數倍於前識與不識皆咨嗟太息以謂道夫謙飭而和明敏而

怨宜光顯於世乃止二千石宜至于菴菴乃五十九而止是何

命不副才仁不畀壽也葬有日道夫之弟堯弼泣而請曰始叔

父南安公未有子嘗子堯弼叔父有子乃歸賴吾兄教育成立

且盡推祖產與我今無以報矣聲願之銘請以著厥美予聞書

曰惟孝友于兄弟施于有政士大夫所以愛重道夫抑有由也

則叙而銘之彭氏世家吉州之廬陵道夫諱堯輔曾祖皇任朝

奉郎贈左正議大夫諱衍妣碩人蕭氏祖皇任左朝請大夫尚

書戶部郎中總領湖廣江西京西財賦贈紫金光祿大夫諱合

妣文安郡夫人劉氏通議夫人李氏大等郡夫人曾氏蘄春郡

夫人黃氏父皇任右迪功郎南雄州保昌縣主簿贈奉直大夫

諱楚老妣恭人劉氏道夫以戶部致仕恩補將仕郎隆興二年

試文冠南銓擬右迪功郎柳州馬平尉簿桂帥中書張舍人孝

夫

祥數委以事，每稱其能，去為靜江府司理參軍，用舉負。陞從政，即淳熙元年，移贛州錄事參軍，獄囚危有志，罪不當死，鄰郡貢士黎實為仇家，誣以當死，提點刑獄皆欲殺之，至盛怒臨道，夫道夫堅持不可卒，直其枉官軍捕茶寇，間俘平民，道夫卒平反之，它不以權執移，不為囑託私者，尚十餘事，薦章交上，四年改宣教郎，七年之顛，之石城縣，輸歲為部使者，以私意劾免，時留丞相作州，誦言非辜，使者尋悔，悟謝，它日言官亦以是適其過道夫，遂起知江陵府，枝江縣在水中央，歲罹巨浸，乃用工二十四萬，大為堤防，水不能壑，又以招糴四境帖，則葺縣庠，教養生員，仍即三鄉各立小學，士民歌舞之，十五年賜緋衣銀魚，紹熙元年，通判吳國軍，舊科黃河埽岸衣絹，其後均之，正稅足錢六千五百，道夫力言于本路轉運林湜，為裁其數，足準五千，而以漕計代輸其餘人，兩贖之，網馬道出屬邑之永，吳敷芻糧，擾甚，道夫請括逃用，充其費，大治縣三山產鉄馬，為私鑄，窟竄盜雲集，道夫請調江州軍二百人，駐滄源，樊口其徒遂解散，四年造朝，留丞相適當國進擬道夫知連州，陞辭論天下平治日少，願毋玩目前之安，因及枝江義勇差役，興國私鑄，上皆嘉納，積官至朝散大夫，妻宜人黃氏先十年卒，三男，岳迪，功，即新

監渾州衡山縣戶部膳軍酒庫出當以蔭補官尚幼三女長
適從事即袁州司理叅軍康輿之次適修職即新郴州桂陽縣
主簿董九成季未行孫激女一其葬用二年三月丁酉地在本
縣高澤鄉義秀山之原初道夫之生戶部起召道夢神人以得
孫戶部異之五歲能讀書十五喪父哀毀如成人事大父諸叔
孝敬盡禮踰冠入仕已能持心近厚及臨事則毅然有守未嘗
苟且故所至多可紀藏書數千卷集前言往行以為軌範善與
人交尤尚義周急故居鄉無間言銘曰

五常之教

凡友在中

或闕于牆

惟貨之從

怡怡道夫

幼孤匪富

仲也來歸

先疇畢授

才能孔多

念慈則那

鄉評謂然

以勸其他

京西轉運判官方君崧鄉墓誌銘慶元二年

故人林柝子方才高而守正更事號強明其守信州稱上饒宰
方君季申不容口時淳熙丙申歲也方子嚴于取人予常記之
後十五年奉祠歸庐陵季申適來守見其決事如流往飾以
儒雅庭無留訟刑罰日清凡米運力勝皆罷其筭歲省入邑日
解錢數萬緡大蠲積逋以寬民力而用自足郡庠故存歐陽文
忠公祠它無所問君即後圃創六一堂繪像以事其先壟在屬

邑龍岡下。令尉捧葺之。又哀公翰墨及集古錄。員蹟刻示四方。皆前人未嘗及者。及君去後。閱三守。人人為予言。凡疑獄滯訟。經方君剖決者。一字不可易。其政如此。予每誦言。子方知人子。方知人。今豫章牧右文殿。修撰蔡公。戲狀君遺事。且道其子之意。屬予以銘。其何可辭。君諱崧。卿季申字也。九世祖自光州固始縣徙家興化軍。族系日繁。曾祖早。祖淵。皆不仕。父憲。文林郎。南恩州陽江縣令。後贈朝議大夫。陽江卒。七月而君生。稍長。能自力于學。登隆恩癸未進士第。試教官中。之以左迪功郎。為紹興府府學教授。未赴。丁所生母張宜人憂。乾道丙戌。起家湖廣總領所幹辦公事。秩滿陞從事郎。賞循文林郎。添差淮西安撫司。准備差遣。會省員徙兩浙路。轉運司屬官。積營造功。循修職司。即用薦者。改奉議郎。知上饒縣。初葉丞相顯著治縣法一編。世服其能。君其壻也。能遵行之。縣凡七十二都保。正副百四十人。君令旬分四番。三十五人。迭詣縣受約束。皆給走厝。有故或追呼批厝授之。無則奉厝而退。人既不勞事。亦隨舉保長。則揭示當輸之戶。及其數。五日一集。出納明白。上下簡便。先是督鄉司具民之物力高下。毋敢不實。封文書案間。遇當役者。爭承則啟封。參考。親加詰問。情偽立得人。欣然就役。常平使者潘時

以名聞召赴都堂審察明通判明州壬寅秋旱守委三倅分行
六邑荒政君主奉化象山獨無饑民定海縣鳳浦沈窖二湖久
為浮屠氏擅其利民灌溉君通被朝命一切正之乙巳春選
知無為軍未上改南安軍肇新貢院條教簡嚴郡人祠君于季
積官朝請即會壽康皇帝登極轉朝奉大夫諸司奏減最入
對論監司當隨所見按吏令乃牽引它司交章以為驗不幸出
于私寃何自伸願禁其然上嘉納焉紹熙元年春除知吉州
州以大治用招軍賞特遷一官二年擢廣東路提點刑獄三年
徙廣西轉運叛官軍大講監筭會計更法之後諸郡實貨若干
漕司歲得若干畫十二條上之且曰本路民困矣乃權剝以餉
武昌又助靖州是謂瘠己以肥人請裁其數躬冒炎瘴徧行象
衡欽廉鬱林貴柳等州訊詢其利病將復告于朝會得渴病求
奉祠朝廷閱其勞以京西風土高爽易漕優之四年秋道長沙
予適在焉留語累曰君以渴為憂明年三月二十五日竟不起
享年六十積官朝請大夫歸葬本軍瀨溪祖居之東原蓋慶元
三年正月壬午也妻葉氏封宜人二子直孺信孺皆將仕即君
風神警邁議論過人才具恢宏善治盤錯他人劫已常休
至于薄物細皆故經理有法度博觀載籍因流汧源不極其本

弗措也纂聚書堂聚書四萬卷手自讐校尤喜韓昌黎文為率
正十卷附錄五卷晚別成箋校十卷奧篇隱帙搜求殆徧時
發明韓公為文之本意非但志所其出而已在南安續橫浦集
至京西補襄陽志志為謬甚多詩文辨麗略無陳言二子類為
家集二十卷嗟乎以君之才使仕于朝掌邦計修史牒無不可
者而周流郡國粗試所長迄無以大顯於是可惜已為之銘曰

游夏淵源 曰求果藝 古難兼之 况乃後世

彬彬季申 少自刻勵 兩邦三路 有政有惠

宜登史闈 宜贊邦計 未嘗所長 朝疾而遷

吉民去思 永矢弗替 寫諸銘章 以象幽窆

宗室淡然居士 公衡墓誌銘 慶元二年

唐虞成周同以睦族治天下而禮樂之教為急卿士多世胄國
家賴之由漢迄唐雖存屬籍遠則無紀錄亦弗及信厚微矣本
朝聚宗族于京師優給奉稍冠昏喪祭皆為之節人人自重不
見過失分派聯名萬葉可考如是百餘年至于裕陵世繫蕃衍
始擇才者出而用之未仕不問戚疏計口給廩內則治以宗官
外則掌以尊屬今又百餘年賢才日衆仕宦徧天下視尚書周
禮所載或過之無不及者尚何有於漢唐惟魏悼王曾孫安化

軍節度使高密侯克整其配曰普寧郡夫人王氏側室曰馮氏
後封真寧郡太君是生金紫光祿大夫叔旦娶建安郡夫人
張氏生成忠即監潭州南嶽緒之有子曰公衡字平仲母孺人
張氏所生母金氏靖康之亂舉族南渡日益貧窶南嶽府君抱
疾九江君年十五徒步迎醫數百里外府君竟不起既葬無以
自給乃奉張夫人依諸父于豫章之進賢縣食孤遺俸母子相
與為命者數十年夫人七十九而終君居喪尽禮內行彌飭邑
官皆來致敬君杜門不妄交惟聞人急難不以蚤莫赴之里有
疾疫倡率豪右躬為療治篤厚誠信見謂可託死生少喜黃老
不事科舉泛觀經史百氏手不釋卷壽康皇帝登極補承信郎
今上覃恩轉承節郎命下歎曰君恩不敢辭母以干祿可也自
號澹然居士作山居詩見志慶元二年夏疾作推其五行曰吾
死矣戒家事甚悉四月丁卯誦有生必有死早終非命促之句
端坐而逝享年五十有九娶周氏鄉先生丕遠女山房李氏之
甥年二十九前君二十年卒四男彥演從政郎常德府司法叅
軍彥璋文林郎福建路轉運司主管帳司彥法修職郎吉州司
戶叅軍彥沃未合一女適傅傳孫男四人樵夫權夫孫女二人
皆幼諸子以是歲七月丁酉葬君縣南十五里歸仁鄉麻山之

樵夫
稅夫

原夫人祔焉使來之銘予聞君夫歸奮躬黷勤一意教子其所
從師慕君賢行樂為訓導不問束修有無而彥演彥璋彥法亦
通敏好學師逸功倍遂同登淳熙丁未進士弟子官湖南彥演
彥璋皆嘗為僚迨歸廬陵彥法奉君官舍以是孰知其賢乃為
推國家教養之法公族之盛然後銘君之美焉銘曰
其襟彬其韻振事親愛而欽接物和以仁維德之成維
維仕之屯維年不之羸維子孫之興

平園續彙卷第三十一終

平園續彙卷第三十二

周益文忠公集七十二

墓誌銘二

廣南提舉市舶江公文叔墓誌銘慶元二年

紹熙甲寅五月戊辰前提舉廣南路市舶江君文叔卒於家以今
年正月壬寅歸窆其子公實等以尚書郎黃君唐所狀行實來
請銘昔君侍父尉顛之寧都予與兄弟傾蓋如故目是熟君文
行閱四十年情誼日親而君介弟立叔再壻予家銘君宜也君
初諱澄字清卿後改今名上世洛陽人十一代祖承清為福州
福清令因家侯官縣曾祖聞祖先俱不仕父洵宜與叔父遠同

貢京師遼登宣和六年進士第洵直特奏名入官終修職郎南
安軍南康縣承累贈奉直大夫母恭人葉氏紹興甲子兼科取
士君年十七以春秋舉于鄉其後連薦丁丑春遂中甲科補左
迪功郎以父丞南康調南雄州州學教授丁內外艱後步護柩
二千里人稱其孝服闋為靜江府教授大新李舍增市田五百
畝生徒云集帥張孝祥雅重君去鎮日餞客滿坐酒闌索贈言
相規君曰舍人文章政事獨步一世加以持重則大用矣僚友
愕然張不擇而起明白召君握手曰始聞君言實不能堪久之
方悟平生失處正坐是全因共載累日留詩為別用舉主陞左
從事即移鬱林州教授鄰境兵將忿爭走訴外臺提兵假道縱
部曲掠奪州人奔避君諭以禍福迄不敢肆郡有寃獄理掾不
肯言君白其寃部刺史二千石薦節交上改宣教即復充沅州
州學教授秩滿通判建寧府監淳熙十五年解試刻革宿弊迄
今以為法屬邑運監取贏佐州用舊政吝本錢不予郡邑交病
君多予之於是兩濟太守鄭尚書丙政尚嚴君贊以寬終入閩
月避親易通判泉州兼南外宗正丞賜緋衣銀魚前守移疾政
多底滯君攝事決遣如流闔郡翕然大商王元懋因抽解例輸
白君金峻却之金資政殿大學士黃公洽於鄉人不輕許可時

為叅知政事教誦言君之賢十三年擢使南海越明年視事舊
例船舶溺風濤者例子孫續其業人以為苦君首列于朝詔刊
其籍舶貨益通課以最聞在官三歲未嘗私市一物被疾求主
管建寧府武夷山冲佑觀積官朝奉大夫享年六十有七其塋
在本縣白沙前坡之原妻宜人黃氏同郡保義郎鏞之女二子
公實迪功郎南安軍司戶叅軍公宜將仕郎皆嘗試礼部愿恪
有父風三女長適進士陳公球次適承直郎監建寧府合同茶
場陳峨季承孫男四人昌孫子孫廣孫繼孫女三人君清明温
粹濟以諒直少從鄉先生問學傑然出于衆既仕益自刻勵声
譽昭晰平居未嘗失色於人臨事則志不可奪每誦馬少游鄉
里目為善人之言終身行之故其莅官居家畧無玷缺友愛之
叔琢磨至再亦登甲科前君四年卒銘四

瑟彼璿璣

琢為圭璋

不薦清廟

而使炎方

歛其光輝

黃壤攸伏

更千百年

尚澗山水

譚宣義

享先墓誌銘 慶元二年

潤

廬陵郡統縣惟八永新為大西界湖湘壤沃地偏民生自足間
遇水旱疾疫凡邑之大家分任賑恤之事某家發廩某家給薪
芻某家藥者某家疾死者以是流殍稀鮮縣官推勸分賞必首

及之君子喜其近古惟譚氏儒術起家好善樂施至宣義君復
 合前事美終身行之古人以為難去年春得疾卒其家曰行狀
 於煥章閣待制誠齋楊公而謁予以銘昔我先太師秦國公暨
 我伯父金紫光祿大夫與君伯父朝奉郎贈中大夫諱觀光同
 登政和八年進士第世契之敦義不得辭然誠齋之文美矣盡
 矣不可以有加矣姑第其家世始卒如左君諱孚先字信仲世
 居永新曾祖一畢不仕妣太孺人段氏祖諱傑累奉入官終承
 事郎賜緋魚袋贈朝奉郎妣安人龍氏尹氏其長子中大夫也
 次子諱觀復寔君之父妣尹氏君孝以事親仁於恤下勤於事
 而勇于義尤切切教子曰煥曰潤繼賓于王淳熙癸卯該膺
 長樂慶壽恩封承務郎自是十年間歷值三朝大慶四遷為
 宣義郎賜服朱銀築榮當堂日與親賓燕樂侈上之賜士大
 夫爭詠哥之其卒寔慶元三月壬子也享年八十八娶林氏成
 忠郎高之女封安人賜冠帔五子煥今為從仕帥襄陽府司法
 叅軍潤潭溥源並力學士四女王揚烈張潞顏世忠張湘婿也
 孫男三人康叔同叔正叔女四人同叔名在南京不幸早世煥
 等二年十一月丙申葬君縣之思賢鄉蘆之原銘曰

起家固難

保之尤難

積有善慶

其君也安

不虧于功

不替于義

以昭令名

亦詔未裔

彭元亨墓誌銘 慶元二年

慶元改元正月辛亥安福彭君以疾不起東經明年十二月庚申

葬縣南十里其鄉某原前兩月其子東經踵門出左司員外

郎李君謙書一通及太孛博士湯君璫所狀行實以紹為請左

司之言曰淳熙乙巳某尉安福聞彭君樂易信于鄉里會歲大

侵郡督勸分君產君中丁首發廩為倡乃克有濟某以是嘉某

人授以著作呂君祖謙辨志編一蓋自洒掃應對推以應物細

行之矜達于前大德凡前言往行次第畢載彭君受而服膺焉傳

之副墨又求名儒達官敷繹之蚤夜力行不敢怠向善如力耕

避惡如遠臭膏於自奉豐於周急年六十三以沒其身動無過

奉願有以表其窳予惟左司介而誠博士賢而文皆可取信宜

為之銘君諱元亨字文昌其先自九江徙居吉州之安福縣曾

祖朝祖承裕父知微勤儉好知邑人以長者稱之也君其業性

尤孝謹父病篤禱于神乞損已壽以益親父尋愈事娶姑如事

母家庭熙然待制楊公万里榜其書樓曰春風興以新詩工部

謝尚書譔亦賦焉平生著述盈篋今彙次藏于家娶同郡歐陽

氏前三年沒子男四人經顯綱繼女三人鄉貢進士歐陽成務

劉宗歐陽好仁其婿也孫男七人龜年耆年保年康年益年彌年壽年女孫七人嗟乎秉彛好德誰無是心惟能欣慕師友之淵源推廣其所未至斯足為一鄉之善士矣君之可銘不在茲乎銘曰

噫彭君

信所聞

善可為

志則勤

生無玷

沒有名

永其傳

在斯文

朝請即曾君光祖墓誌銘慶元三年

君姓曾氏諱光祖字景山一字承先五世祖來自南豐徙居吉州安福縣曾祖弼祖序昌皆積善父嘉謨博洽強記仕至從事

即衡州常寧尉累贈朝請郎君其長子者穎悟力孝四奉禮部

淳熙乙未歲登第以迪即功主潭州善化簿未上丁父憂再主

道州江華簿見精通敏攝永明令用舉者從政即移徽州錄事

叅軍決讞精明究伸誣伏郡守薦于朝監司亦薦之由承直郎

改奉議郎堂選知臨江軍新喻縣當孔道前令往罪去君

政事日修新庠序以勸士築陂塘以勸農民訟至庭曉以義理

凡無賴屠沽鬪毆則以法繩之百里大治紹熙末採時事為十

箴名之日徇路別為數篇百言詞甚剴切獻之執政其有補于

國家要路多知己欲扳之朝君志在便親調通判袁州岳赴而

卒慶元三年正月六日也享年六十有四積官朝請即賜緋魚袋先娶同邑王公衡之女贈安人再娶事從即韶州樂昌令胡日新女封安人一男鄉貢進士傑二女長適進士王闕早世次適迪功郎新隆興府新建縣尉趙師惠孫男三人士遜士遵士逾女六人長適劉鑑餘未行曾孫宜壽卜以十一月辛酉葬縣南永嘉鄉九岡之原君孝於事親仁於念舊揚人之善掩其過失為吏所至有能名平生喜著述有禮記精義十五卷治功必致錄十卷江湖詩集十五卷南溪舊藁二十卷長孫士遜以君與予厚踵門求銘於是君母太恭人李氏年八十五矣自君升朝繼逢慶典冠帔絲綸寵章交換歲時二子率諸婦奉觴上壽孫曾滿前坐閱五世而君之子傑名在仕籍儒風濟々今相國京公大書壽衍二字揭所居之堂名士咸為賦詩鄉人榮而慕之居無何傑死君寢戚々乘以微恙猶自力娛嬉親傍比其將沒母子相持泣下鄉復聞而悲之夫憂喜聚散物理固然幸君世祿延于士遜它日昆弟能自植立不墮先業振作家聲以慰曾祖母之心以成父祖之志是又鄉人之望也歟銘曰

嗟乎景山名官方興 匪朝之儀 惟親是寧

菴期在堂 五世其盛 朝齋君壽 以悲易慶

有崇彼岡

宅兆中存

既固且安

利其孫曾

參議董君

昌裔

墓誌銘

慶元五年

君姓董氏諱昌裔字夢貺慶陵郡著姓儒風郁然登科者相繼

仁宗景祐元年放進士五百人郎之中選者十有一而董氏

曰洙與其子師德弟汀姪道儀一門五人在焉洙父子仍同丙

科大守江鈞奏所居為五桂鄉邦人榮之儀仕至都官郎中嘗

歷部使者贈左正議大夫即曾曾祖也祖乾碎又登嘉祐八年

進士弟仕至左朝奉大夫贈中奉大夫父彭右朝散郎知鬱林

州贈通議大夫君自少力學試即庠率占上游宣和四年父告

老補將仕郎靖康間丁外艱服闋以迪功郎尉台之臨海母憂

免再謂彬州司戶叅軍攝永興令蠻徭犯省地君發丁壯復方

略扞禦境上民以奠枕移連州錄事叅軍二十石苛急惠君守

法屢摺以事君不為屈或誣良民為盜君平反之俄獲真盜新

守大寶亦及外臺交薦改宣教郎行其事業縣繁劇太勞而辨顯

謨閣直學士劉公才邵薦君宜在臺閣添差通判婺州會首員

罷入攝行都酒官連被最賞出為湖南轉運司主管文字李金

作亂王師四集糧餉不董乏幕畫為多故叅知政事魏公良臣帥

長沙以名聞隆興元年擢知興國軍宗室犯法君繩治不少恕

志

闕辭詆誣有詔禁錮善良安馬地介江湖田疇下非勞即旱
君祈禱立應大修學校增給生徒時號循吏以年高馬閒得浙
東安撫司叅議官秩滿求便鄉改江西以滯積官朝奉大夫賜
服金紫妻宜人林氏吏部侍郎保之女治家有法內外肅然年
六十八淳熙丁酉十二月乙酉卒後三年歲在庚子正月甲戌
君亦卒于家享年七十八合葬州西萬松岡一子林文即新監
行在車輅院冲元五女長適迪功郎宜州宜山縣尉高栢筠次
適朝議大夫江淮荆浙閩廣等路都大提點坑冶鑄錢林祖洽
次適從政郎全州司法叅軍方桂次適朝奉郎通判潭州郭贊
次適朝散郎通判衡州解僖孫男將仕郎塾女一人自君之沒
其仲女適林氏者曰^奉君姑從夫宦游深念父母之葬有闕又
惟泉水之義重於歸寧教諭其弟謀改卜不事薰澤不御酒肉
飯蔬飲水越二十年姑亡終制適提點君按行所部遂得偕耒
畢精竭力遷奉双樞葬撫州樂安縣雲蓋鄉西務之原實慶元
五年九月壬寅也雲蓋初屬吉水縣至和元年析隸永豐紹興
二十五年復割五鄉置樂安而云蓋在中至是始附董氏先壠
以成親至義貫幽顯聞者歎息或至泣下昔傳列女首以孝為
言而所記節義率繫其夫若孝于親者僅得二李氏其一父殯

于堂十年朝夕哀臨不嫁以養母母身死也葬具其一劫徙他

州聞父亡間道奔喪至則已葬力請開墓舌去棺塵其母病篤

終日不視已著朝加旌表史以稱美由今觀之既曰內夫家外

父母家矣而苦節不匱兩致其義則視昔為尤難亦賢矣哉夫

惟有女如此父母之賢抑可知已况君中坦外莊訥于言而敏

于行居家有譽無疵泣官奉公履正鄉人戶知之予亦深知之

冲元及提點君以銘見屬乃為銘曰

其居稱善人仕則循吏學鑽先業祿延後嗣

生也能然幾庶無愧有女而孝言歸故鄉

宅兆既安子孫其昌沒也雖久庶幾不亡

高州趙史君介墓誌銘慶元五年

慶元四年六月乙酉高涼趙史君卒于官其子寔護厯數千里

還吉州之舊居卜以五年十一月丁酉葬廬陵縣儒行鄉三合

平之原泣叙治命謁銘於予不忍辭君諱介字節夫鳳翔府寶

雞縣西平原人曾祖義作坊使贈左千牛衛大將軍祖華武畧

大夫贈成州團練使父持武經大夫知橫州贈武大夫君偉岸

磊落通經史有智畧初為武學外舍生其父坐法免官君忘寒

暑甘典憲伏闕叫閹投牒臺省移書要路力訴寃狀如是累年

卒洗丹書終二千石士論多之紹興三十二年用父蔭補承信
郎程試絕倫調鼎州沅源縣巡檢終更尉贛之寧都未上召試
閤門舍人淳熙三年也初孝宗置此官視文臣館職對策舍
人院而後除日朝殿陞察臣僚不如儀者大宴則與閤門使已
下更互立御前最為清切滿四考即與郡而君在選中虜使
來賀正旦假庶車充館伴副使六年以例出知道州改郴州頃
之去郡孝宗詔以旧物起君後省格不下奉祠十五年歷主
管亳州明道宮台州崇道觀日與賓客賦詩飲酒奕碁博通古
今議論纒凡釋老諸書下至稗官小說無不成誦听者忘倦

郡守每以客禮之甲辰夏守與戎鈴不咸軍政頗隳一日其徒

乘醉贊聚相毆已而遣逃驚擾市人君與予兄子中杖策造營

開諭禍福皆帖聽命請司以將聞議賞或沮之而止起知高

州至則次子亡從者亦病瘁君哭泣憂傷視事兩月而沒享年

七十有四積官武經郎先娶潘氏朝奉郎通判道州森之女再

娶朱氏朝請郎知新州瑤之女俱封安人三男長即寔也今為

忠翊郎嘗注袁州萍鄉縣稅官次妻乃前死者曰容亦死二女

適高子誥子誥皆將仕郎孫珙均當以君致仕恩入官尚幼君

蚤自植立既直父寃即經理事不以累親心擇命士嫁二妹又

恤其後諸姪昏宦俱賴之有詩文十卷藏于家銘曰
赤也可與客言由也使治千乘卷小試其才能

譽交遠于刀命朝方還而蹟收符再剖而身病

尚修名之永岳寧宿草之俱盡

通判彭君商老墓誌銘 慶元五年

故尚書郎彭公以厚德通才歷郡守部使者總領湖廣江西京
西財賦凡其所至專以愛人利物為心號稱名臣諸子習熟義
方聲聞交著仲諱商老字仲伊生子丁未卒于己未葬有日其
季轉運君漢老以朝散郎新通判永州張煥卿狀求請銘憶予

既冠獲升總領之堂仲伊少予一歲相善也越五十年情誼加

厚究其死矣尚認銘之按彭氏世為吉州庐陵人曾祖諱仕忠

贈朝請郎妣安人蕭氏祖諱衍進士起家終朝奉郎開封府司

錄贈正議大夫妣碩人蕭氏總領諱合仕雖寢顯而官止朝請

大夫人謂不極于用累贈特進妣永寧郡夫人劉氏同安郡夫

人李氏新定郡夫人曾氏武陵郡夫人黃氏君新定出也蒞敬

自重質直好養力季喜為文熟毛氏詩漢書文選紹興己巳郊

蔭將仕郎重出親側兩以迪功郎監潭州南嶽廟外艱既除乾

道丙戌始為撫州崇仁縣主簿異時文書匿吏家恣為姦利君

平陽縣志卷之二十二
拘之聰事勾稽惟謹賦稅始正去為南雄州司理叅軍有江澈者掠賣歐陽若璠五歲子及其所生事發不承折米庫巡防卒以他事遁典吏乘勢盜用錢數百緡建治無辜李唐卿失白金惑於左道婦罪其子三事積歲獄不決君立正之上官交薦淳熙已亥改宣教即知辰州沅陵縣始至婦度亦立常賦或隱或逃催所指君推見弊原訓戒丁寧民信服樂輸量留縣用舉以送州又藏餘力于民先是城寨有名無兵蠻獠數犯省地人被殺傷例償骨價錢君招補闕額時其衣糧勉以武藝邊境遂安調湖廣等路總賦以幹辦公事分治九江紹熙甲寅通

判南安軍奉法循理務奉其職郡縣吏有罪監司委君究治一裁以正強有力者不悅嗾妄人誣訴云云弗恤也終更請主管台州崇道觀內外臺猶入前謾嘗下其事考實君素守家法臨政平允持已廉清迄無毫髮可文政事平生活於進取官滿輒詣詮部注擬年勞賜服緋魚積階朝奉大夫再奉祠終焉少時多疾或授導引法晝夜行之朱顏綠鬢老而不衰故其逝也以微恙實慶元五年九月癸巳寔用十二月庚午地在縣郭游唐之原娶臨江軍田族何氏封宜人子堯仁將仕郎孫男女各一人銘曰

處躬德義承其家 服采郡邑振厥華 温温佩玉音不瑕
皎皎絲繩直無邪 安于文品永弗奢 善始令終衆所嘉
展如之人尚何嗟

邵陽郡丞周府君 因墓誌銘

高宗皇帝紹興二十一年放進士八榜矣里中同升四人日子血
竟彥瞻辰告及予也彥瞻許氏諱世將老於季辰告劉氏諱令
猷敏於文予碌碌綴其間惟孟覺行誼高一鄉於書無不通於
文無不能喜推五行自期頗遠暨唱第集英殿果裒然在前列
余謂他日橫翔要路無疑君亦日夜刻勵將有為于斯世而僅

佐遠州又不及上士大夫咸惜其天爵孔修而歎人爵之不從
也况予同宗同郡同年之情尤嗟惜之其子以工部尚書謝公
諱所狀行實未請銘今既二十年彥瞻辰告前卒君也兆亦改
卜乃克為之重可嗟已蓋竟諱因姓周氏吉州安福縣翔臺鄉
應福里人系出吳將軍瑜八世祖廣卜居石門之田西曾祖文
奇祖仲海父大本以儒起家贈奉議郎妣安氏羅氏君自幼志
趣異群兒八歲出語驚人母傾篋筭買經史資其季未冠率四
弟肄業後皆有立初以左迪功郎主臨安府鹽官縣簿戶部侍
郎曹永恃勢強傲而吏才實過人兼行府事僚屬無可意日被

推辱檄君領軍資庫君志心營賊詠喜待遇獨厚二十四年勅
差省試別院點檢試卷官秩滿用奉者陞從政郎調南雄州教
授外艱不赴服闋授象州來賓縣令南荒百家之聚絃誦闕寂
君擇地遷廟季請于國撥公田養士躬自教導有梁端者遂與
計偕俗病不療惟屠牛鬼君力禁止為市藥桂林教以湯劑
境內多盜嚴保伍閱鄉丁盜以不作國固常空孝宗覃恩循
文林郎會詔監司郡守奉屬史象守唐俊義以君政績聞去為
德安府教授國朝宋元憲文公兄弟鄭毅夫內朝皆邦人以
文章魁多士自宣和後莽為盜區庠序廢壞君至日加葺治增

弟子員講授切砥士氣復振乙酉秋試預薦者四皆季戢也君

送以詩云一網都收泮水英其後李松齡遂擢第破一甲子之

天荒君之力也古郡多人物事跡而闕尚志君為鄆域叢紀深

得史皇氏之体既宣教郎知婺源永康縣轉奉議郎未至丁母憂

免喪知贛州雩都縣遷承議郎地廣訟繁君躬自省決咸得其

情郡遣公皂有所需君不應守怒諷部使者對易它官摺據公

可適守悟趣還任淳熙二年茶寇有薄境者君部弓兵合巡尉

却之守益愧服更加延譽通判邵州轉朝奉郎七年八月癸卯

以疾卒于家享年六十一君端實而通明喜論天下事著述規

百任耻于蹈襲、下筆哀、不休、雖尺牘亦粲然成文、鄉之先進、吏部尚書劉公才邵、直敷文閣、王公庭珪、皆推許之名在甲科、未嘗自媒、每詣曹視、可入闕、即注以歸、淹留遠宦、怡然自得、奉身清儉、先疇推與、諸弟衣食僅給、而周急無靳、持論常鯁、挺至接物則謙和、樂道人善、而覆其所短、平生無纖毫過失、此公論有不可掩者、先廬之南有鑑泉、澄澈可愛、面對鍾嶺、環以清溪、君卜居其中、闢訥齋以燕息、嘗問語予、仕宦儻不過當老于此、極山林之樂、而孰謂君宦既不達、志復不遂也、娶李氏、劉氏、俱封安人、五男、長稷、今為文林郎、新廣南西路經略安撫司幹辦

公事次、拒登仕、即次、穠、秬、秠、早、拒、穠、亦亡矣、稷、四、穠、俱向、季世、其家一女、適進士劉楫、孫男五人、壽祖、壽仁、壽夢、壽椿、一、未名、孫女三人、長適進士魯宏、敷次、適鄉貢進士劉夢驥、一尚、幼有文集二十卷、初葬邑之永嘉鄉、東富嶺、慶元三年八月二、十五日、改葬新喻縣仁孝鄉城岡之原、銘曰、

嗟乎孟堯天之生君、謂無意耶、何賦之以異才、而發之以、
魏科、謂有意耶、何名位之不高、而壽祉之不遐、莽蒼、
難問、懷耿、其長嗟若夫、行詛修而著于鄉、學術傳而昌、
其家雖官年猶未泯、竟孰為少孰為多耶、

葛先生濼墓誌銘

古者賓興之士論定于鄉是以上不失人下無遺材後世升黜一以程文賢能不皆進愚不肖未必退往出于偶然曰此公舉也而鄉不在焉君乃德行道藝修之身信于人雖日未遇而無智愚示天生則推尊之沒則追思之是謂鄉評治與公舉相為權衡然彼猶可幸得而此不容力致輕重斷可識矣吉為士之鄆林鄉評所推今有人焉葛先生是已先生諱濼字德源系出常州祥符間名宮者始登科自是世策高第或至侍從輔相惟先生高祖詠徙家廬陵曾祖日宣祖敏承考經俱有文行叔

祖導岷先生敏修擢元祐三年甲科受知蘓文忠公黃太史先生上書入黨籍李若宗之先生四歲而孤又七年母亡依仲父唐州錄叅軍若學忘寢食手抄書鉅萬無一字行草貫通經史歷代史書端醇詳雅士大夫子弟爭願從之胡忠簡公及其群從號儒先甲族競以書獎延致亦嘗不鄙過于家塾晚即所居講授入邑暨傍郡秀民著錄盈門先生迪以行誼非但章通略解而已後多登第游薦春官者不論也初錄參老而貧同產滋流落湖湘娣簞居先生並迎歸奉養罄東修畢其婚嫁常產闕如也導岷既無子錄參為之繼先生亦請錄參鞠育不可忘身

其祭孝友類此郡博士稔賢名請為直學廷學錄慶元六年四月甲午以疾不起博士率諸生奠哭盡哀鄉人皆來吊曰鄉先生亡矣享年七十有五以十二月甲申葬郡西清塘之原娶同郡曾氏生三男長琳早世次玠季瓌傳父業玠再預賓貢四女長適貢士曾友節仲適吳簡卿叔適王及及夭改適尹先達前先生十二日而亡季適白逢原孫四人一男杞三女俱幼所著書有草弟卑論三卷壽齋筆語四十卷先生存心忠而勇於義嘗集本朝死王事者著旌忠錄三卷名士多為序跋常州族立象大司成次仲之子乾道中來守廬陵於先生為從兄先生族謂即退立象代還執手歎其安恬予自上印綬與先生及歐陽伯威歲講同甲之會月為真率之集先生文華有子凡餘小圃草木猿鶴悉為賦詩語新而事的卷軸盈篋今失良朋能無永歎玠等乞銘其忍弗從銘曰

修其天爵

席以儒珍

昔聞其語

今覩其人

士無賢愚

曰鄉先生

盍祭于社

永光榆枌

平園續稟卷第三十二終

平園集卷三十二

...

...

...

...

...

...

...

...



